



陔餘叢考

世
一
四
廿
九

十

十

15
121
10



伊藤卓三
藏書之印

門
21
卷
10

孩餘叢考卷三十七

陽湖 趙翼

博士待詔大夫郎中

黃省曾吳風錄謂張士誠走卒廝養皆授官爵至今呼

椎油作麵傭夫皆為博士剝工為待詔云按明祖實錄

洪武中已命禮部申禁軍民人等不得用太孫太師太

保待詔大官郎中等字為名稱其時去淮張未遠而民

俗濫稱已遍至煩明禁則由來已久未必起于士誠也

又陸容菽園雜記醫人稱郎中銀工稱待詔磨工稱博

士師巫稱太保茶酒稱院使此草率名分國初有禁云

然亦不言起于淮張則知非一日也今江南俗椎油賣

松林
至今呼

茶者尚稱博士。銀工尚稱待詔醫生。尚稱郎中。而北俗則稱醫生為大夫。按博士本師長之稱。漢武帝立五經博士。為置弟子五十人。後四方來學者皆詣博士受業。故其時弟子稱師。皆曰博士。沿及六朝。此風不改。宋書王微為兒時。從博士讀小小章句。北史劉晝知宋世良家多書。乃求為其子博士。恣意披覽。北齊張景仁教太原王紹德書。武成帝又令景仁侍後主書。後主呼為博士。登極後。與左右語。猶稱張博士。武成又為琅琊王儼求博士。得張彫。武與景仁號二張博士。後周文帝置學東館。教諸將子弟。以樊深為博士。可見博士猶先生云。甬封氏聞見記。御史大夫李季卿宣慰江南時。茶飲初

盛行。陸鴻漸來見。衣野服。隨茶具而入。既坐。乃手自烹茶。口通茶名。區分指點。李公心鄙之。茶罷。命奴子取錢三十文。酬煎茶博士。此茶博士之名之始也。蓋其時茶事初起。精其技者尚少。故有茶博士之稱。而李公因其稱以嘲之。可見是時賣茶者無不稱博士也。舊唐書開元十一年。命州縣置醫博士二人。則醫亦稱博士也。其椎油者之稱博士。蓋亦因專習其技。而有是稱。或因煎茶者稱博士。而倣之耳。按博士之始。本起於戰國。漢書賈山傳。其祖祛。魏王時。博士弟子也。秦亦有此官。史記。始皇本紀。候生。盧生。曰。博士七十人。特備員。弗用。又始皇不樂。輒令博士為仙真人。詩。令。令人歌。弦之。漢初亦設此官。不遇待詔。未有進用者。至武帝立五經博士。遂為師儒之宗。此待詔之稱。古來原多。雜流舊唐書。翰林有令鍊僧道。祝卜術。藝書奕。各別院。以廩之。天寶中有嵩山

道士吳筠乾元中有古星韓穎劉烜貞元亦有奕基王叔文侍書王伾元和未有方士柳泌浮屠士通寶歷初有善奕王倚興唐觀道士孫準并待詔翰林遼時翰林畫院有畫待詔翰林醫院有醫待詔前明文徵明亦以能書待詔可見翰林中待詔者原不皆文學之士則銀工之稱待詔益亦實有以此技爲待詔者而人因以稱之也若醫生之稱郎中大夫顧寧人以為起於宋時而引老學菴筆記醫生曰牙推卜相曰巡官之類以証之

按牙推之名不自宋始唐鄭注以藥術于李翹喜之署爲牙推則醫生之稱牙推起于唐也此妻項言後唐莊宗劉皇后之父曰以醫爲業莊宗暇日負藥囊令于繼茂破帽相隨自稱劉衙推訪女直入后宫后大怒然亦第意擬之詞而未見郎中大

夫之的據按夷堅志鄙醫趙珪本上官彥成之隸粗得

其術人稱爲趙三郎中又劉師道藥匠有婦人托爲魏師成之妻求其療夫疾劉初不知魏已死也至則魏伸手求診脈覺骨節堅冷如水石婦忽笑曰劉郎中細審此病不可醫也劉曰娘子拉我來何忽如此婦曰郎中試看俄化爲狐去又信州吏毛遂病爲劉醫誤用藥致死忽復活曰是那个郎中主張劉方喜以爲已功應曰是我毛曰今後須仔細我病本不至死爲汝以藥殺我我今只在鬼門闕候汝耳言訖而死劉亦繼歿此醫生稱郎中之明証也夷堅志又云張二大夫者京師醫家後徙臨安官至翰林醫官人仍稱爲張二大夫則北方醫生之稱大夫亦起於宋矣又按唐時醫生亦稱待詔

張祜有病宮人詩云藥餌無徵待詔愁此正丞卜待詔翰林之本稱也
又按大夫本秦漢時士人之通稱漢書高祖紀呂公從沛令沛中豪傑吏聞令有重客皆往賀蕭何為主吏令諸大夫曰進不滿千錢坐之堂下按沛中豪傑吏蓋不過鄉豪及健吏之類而通謂之大夫蓋秦制賜民爵有大夫官大夫公大夫五大夫七大夫諸稱漢書註五大夫第九爵也七大夫第七爵也大夫第五爵也度其時民之有此爵者人即以其爵呼之相沿日久遂以為尊奉之呼故鄉豪及健吏皆得稱耳漢書高祖詔曰七大夫以上皆高爵也久立吏前會

不為決甚無謂也異日秦民爵公大夫以上令丞與亢禮今吾於爵非輕也又可見當時爵雖大夫而以事至官吏前仍循部民之制

大人

大人之見於經書者周易大人與天地合其德陸德明釋文引王肅云聖人在位之日以及孟子大人者不失其赤子之心莊子大人者聖人不足以當之之類皆以德位兼言惟論語畏大人孟子說大人則藐之則以勢分而言又左傳閔子馬曰夫人必是說而後及其大人邪黑肱以濫來喪君子曰艱難其身以險危大人註皆言在位者然此特泛論有位之人非覲面尊奉之呼也

司馬相如大人賦則更以稱天子而其時公卿大臣無大人之稱可知其呼爲大人者則以施于父母伯叔如家語會子曰參得罪大人又史記范蠡之長子曰家有長子今弟有罪而大人不遣是吾不肖也漢高祖云始大人以臣爲無賴霍去病云不早自知爲大人遺體南史王僧儒幼時有人以冬李餽其父先以一與之僧儒辭曰大人未見不容先嘗北史田式以事下獄欲自盡其子信勸之曰大人朝廷重臣又無大過何至于此唐書裴夔云大人病痛若此撫言楊國忠子應試學問荒陋禮部侍郎達奚珣畏國忠使其子撫先白國忠曰大人白相公郎君所試不中程式然亦未敢黜落五代史

王珂妻本李克用女珂被梁圍急使妻致克用書曰賊勢如此大人忍不救耶宋史蔡京子攸人謁握父手曰大人脉勢舒緩體中得無不適又隱逸傳南安翁以長子被拘于官欲詣官代長子杖小兒曰大人豈可受杖兒當代此皆以呼其父也漢書疏受叩頭曰從大人議此以呼其叔也張博詐淮陽王欲上書爲大人乞骸骨去後漢書范滂曰惟大人割不忍之恩此皆以呼其母也柳宗元稱劉禹錫之母云無辭以白其夫人亦謂禹錫之母是大人之稱止以稱父母伯叔從未有以之稱尊官者考唐宋以來佳官相呼敵以下或稱字尊長稱丈公卿貴官則稱其官位宋天聖中詔文武官不得過

稱官只諸節度使觀察使未至太傅者許稱太傅防禦使至橫行使許稱太保諸司使許稱司徒皆本等檢校所應帶之官也又洪容存記李德裕自崖州與某侍郎書云崖州司戶參軍李德裕狀侍郎十九弟及李文定稱王沂公云樞密太師相公之類是皆以官位相呼無所謂大人者戴埴鼠璞云四明有大人堂本錢億曾爲此州節度後其姪惟治復來節度因創爲祠名曰大人堂蓋大人之稱乃子弟稱父兄之詞而俗訛以爲閨相公廟謨矣梁溪漫志及莊綽雜俎編亦謂世惟子稱父爲大人若施之於他則衆駭笑之矣可見宋時猶以大人稱父母而不加之達官貴人也元人高則誠琵琶記

蔡狀元呼黃門爲大人則元時達官已有大人之稱明尹直蒼奔瑣碎錄吳與弼以處士徵至京每見士大夫皆稱大人又湧幢小只徐晞以吏員起仕至尚書啟郡守率諸生迎之諸生以其非文學出身頗偃蹇晞出一對曰劈破石榴紅門中許多酸子諸生不能對晞爲對曰咬開銀杏白衣裏一個大人王弇州觚不觚錄三司見督撫稱老先生見巡按稱先生大人此又前明以大人爲貴官之稱也按後漢書鄧禹傳禹孫康以鄧太后臨朝遂謝病不朝太后使內侍者問之時官人出入多能有所毀譽其中耆宿稱爲中大人所使者乃康家婢也亦自通中大人康詬曰汝我家出亦敢爾耶又陽球

傳球小妻程璜之女璜方用事宮中所謂程大人也蔡邕諫靈帝疏亦云乳母趙婕諛諛驕溢門吏霍玉依阻爲奸今道路紛々復云有程大人者察其风声將爲國患據此則東漢時已有大人之稱蓋本宮闈近侍之人身無官位而勢居顯要故以大人稱之其後遂爲近侍尊稱如晉書劉聰時中宮僕射郭荷欲王皮劉惇二人證成皇太弟劉義謀逆之事以計脅之皮惇大懼皆曰謹奉大人教此又近侍稱大人之明証也琵琶記黃門稱大人黃門亦近侍也惟近侍稱大人因而後世相沿京朝官亦稱之如徐晞以尚書稱大人也京朝官稱大人因而京官出使於外者亦皆以大人稱之如巡按稱

先生大人是也因而遂爲貴官之隆稱於是督撫亦稱之此又近日京官外官位高者皆稱大人之所自也

按諸史所載亦有以官位而稱大人者後漢書岑彭傳韓歆南陽大人注謂大家豪右也唐書郭子儀應回紇大人之古段秀實傳田少榮稱秀實爲仁信大人高駢傳女巫王奉仙謂昇師鐸曰揚州突当有大入死是古來原有貴官稱大人之例據雜俎編所云則南宋時尚專屬子之稱父而不以稱貴官則唐以前稱貴官爲大人者乃從旁指目之詞而非覲面相呼也覲面稱大人則始於元明耳

顯考

祭法王立七廟曰考廟則父也曰王考廟則祖也曰皇考廟則曾祖也曰顯考廟則高祖也檀弓殷主綴重注始死未作主先以水爲重至虞乃作主殷人作主後則聯其重縣諸死者之廟去顯考乃理之疏顯考高祖也世之遞遷至爲顯考其重猶在離顯考乃理之是古人皆以高祖爲顯考也其稱父亦曰皇考皇者大也於君上之義無涉曲禮父曰皇考母曰皇妣離騷朕皇考曰伯庸晉刁馬機爲燕王告祔廟文亦曰敢昭告於皇考清惠亭侯是也徐健菴續禮通考謂今人以顯考爲父則起於有元之世時以皇字爲君主尊稱遂易爲顯考然葉石林云漢議宣帝父稱羣臣初清溢爲悼太子魏相以爲宜尊稱曰皇考自是皇考遂爲尊号之稱非後世所得通用石林之言如此則似宋時已無稱父爲皇考之例矣健菴之說不知何所本

孤哀子

今人父亡稱孤子母亡稱哀子按古禮父母喪皆稱哀子如雜記云祭稱孝子孝孫喪稱哀子哀孫孔疏曰祭謂卒哭以後之吉祭喪謂虞以前之凶祭又儀禮筮宅之辭曰哀子某爲其父某甫筮宅又曰哀子某來日卜葬其父某甫是哀子之稱不特爲母亡也孟子幼而無父曰孤故父喪亦稱孤子如嵇康與山巨源絕交書少加孤露又趙彥深見母自陳幼小孤露此皆以無父言

然雜記諸侯之禮他國弔含襚皆對曰孤某須矣曲禮
諸侯在喪曰適子孤左傳列國有凶稱孤在喪也有凶
也皆通乎父母之喪言之非專係乎父也宋書巴陵王
休若傳謝沈居母喪被起聲樂酣飲不異言人并不知
沈居喪迨自稱孤子衆乃駭愕哀祭傳祭丁母憂桂陽
王休範爲逆桀扶曳人殿慷慨謂諸將曰孤子受先帝
顧託本以死報今日當與褚護軍同死社稷是母喪亦
稱孤子矣六朝人每言偏孤如梁書韋叟傳父義正早
卒叟少而偏孤事母以孝聞北史皇甫和十一而孤母
夏侯氏親授以經書此則其父先亡者也梁書裴子野
生而偏孤爲祖母所養魏書裴延儁少偏孤事後母以

孝聞北史刁冲年十三而孤祖母高氏哀之撫養尤篤
此則其母先亡者也謝貞傳貞以母憂毀瘠將歿謂妣
察曰孤子鬻禍所集將隨灰壤時貞父已先亡此則父
母俱亡者也可見孤字之義本無定屬董璋又引鄭氏
禮注三十以內未有室而無父母者謂之孤子當室如
禮所云父母存衣冠不純素孤子當室衣冠不純采是
也今世以孤屬父以哀屬母者實本於司馬溫公書儀
而朱子亦足之或問朱子孤哀二字之義朱子曰溫公
亦只據今俗不欲父母混并之也且從之亦無害是孤
哀分屬父母在宋世已然又按開元禮四品以下卜宅
兆泣卜者命曰孤子某云云注曰今儀父及祖稱孤子

孤孫母及祖母稱哀子哀孫則孤哀之分稱實始於唐
又不自溫公始蓋自唐以來已相沿成俗而溫公仍之
耳又宋政和禮廬祭至大小祥祭祝文父曰孤子母曰
哀子則亦不独載之溫公書儀也

下官

戲本凡官員自稱皆曰下官漢書賈誼傳大臣罷軟不
勝任者曰下官不職下官二字始此然非官員之自稱
也其以之自稱高江村天祿識餘謂始於梁武帝改稱
臣爲下官按此說非也南史劉穆之使宋以前郡縣爲
封國者諸王所封之國其內史相并於國主稱臣去任便止考建
中乃創制稱爲下官宋書武帝孝建二年定制諸王封

國者二十四條內一條凡封內官止稱下官不得稱臣
罷官則不復追敘通典及龔熙正續秩常炎皆引之然
晉書成帝時庾亮欲廢王導與郗鑿書公與下官并荷
托付大茲不掃何以見先帝於地下晉載記斬準對劉
粲曰下官急欲有所言安帝時劉敬宣答諸葛長民書
曰下官常慮福過災生王誕說盧循曰下官與劉鎮軍
情味不淺王鎮惡乘利趨潼關乏食欲還沈林子怒曰
下官授命不顧今日之事當爲將軍辨之則晉時已有
此稱蓋晉時仕宦者皆自稱下官惟王國之僚屬見其
王則稱臣至宋則并令王國之僚屬見王亦稱下官耳
宋史洪湛傳居清建儲太宗曰若太子則東宮僚屬皆須稱臣形跡之間易生搖惑然則宋時東宮官見太子已稱臣矣他如宋文帝

使沈慶之領隊防劉湛謂曰卿有省歲久比當相論慶
之正色曰下官在省十年自應得轉又慶之與蕭斌議
兵事曰衆人雖知古今不如下官耳學也元顥藉梁兵
破洛陽自立沛郡王欣欲附之崔光韶曰元顥引寇兵
覆中國豈惟大王所宜切齒下官亦未敢仰從曹景宗
醉後對梁武帝誤稱下官帝大笑此皆六朝時仕宦稱
下官之故事也又按五代史補宋彥筠謂李知損曰衆
人何爲號足下爲羅隱對曰下官平素好爲詩其格致
大抵如羅隱故耳然則五代時尙相沿有此稱也今仕
途中不復稱下官凡知府自稱卑府以下皆稱卑職
按程棨三柳軒雜識淳熙間高曇進對上稱其不爲高

談梁相戲云高曇不爲高談以何對周益公對云卑牧
且爲卑牧謂武臣見知州自稱卑牧也則屬吏之以卑
自稱自宋已然

小生晚生

漢隼朱雲傳雲罷官過薛宣曰君且留我東閣可以
觀四方奇士雲曰小生乃欲相吏耶師古註小生習宣
新學後進乃欲以我爲吏乎小生之名始見此然非自
稱作謙辭也其以之自稱者唐李阳冰自稱其家世謂
斯翁之後直至小生斯翁謂李斯也又元稹上令狐相公曰白居易
易能詩或爲千言或爲五百言律詩以相投寄小生自
審不能有以過之往之戲排旧韻別創新調名爲次韻

此文士自稱小生之始也。朱晦翁和劉秀野詩有小生自愧衰頹早之句，則二字并人之詩矣。又晚生二字按晉書戴淵傳，淵弟邈清立學校，疏曰：今後進晚生，目不覩揖讓之儀。隋書薛濬寄弟模書曰：吾幼丁艱酷，晚生早孤，不聞詩禮。是晚生二字晉以來已有之，但以之自稱，不知起於何時。知新錄云：嘉靖丙戌，刑部趙公乃費閣老同年，每投渴必書年晚生。屠應峻曰：趙老真神童，或問其故，曰：費鵝湖二十作狀元，年最少，今渠稱晚生，非神童而何。此近代稱晚生之見於記載者也。

老先生

先生本古者父兄師長之通稱。然古人有單稱生或單稱先者，史記蘇秦被刺死，存王求其賊，誅之，燕人曰：甚矣存之為蘇生報讐也。註生一作先言先生也。叔孫通諸弟子以制禮皆賜為郎，喜曰：叔孫生誠聖人也。弟子稱師曰生，亦謂先生也。漢書貢禹傳：禹清老，元帝報曰：朕以生有伯夷之廉，史魚之直，故親近生，今未得久聞生之音，淪也。師古曰：生，謂先生也。時禹年八十餘，元帝敬之，稱生非輕之，乃尊之也。此單稱生也。史記鼂錯傳：學申商刑名於軹，張恢先所徐廣曰：先即先生。漢書梅福曰：叔孫先非不忠也。注先，犹言先生也。又建元中，上招賢良公卿，曰：鄧先好奇，計註亦曰：鄧先，犹云鄧先生也。此單稱先者也。王新城謂明朝中官稱士大夫曰老

先本此衛宏漢官旧儀博士稱先生博士師也此又後代師稱先生之始也至老先生之稱見漢書賈誼傳諸老先生未能言誼盡為之對然第謂諸儒之老者耳非覲面尊奉之呼也至宋始有此稱劉元城培錄凡引司馬溫公則不著姓名必曰老先生劉過上周益公詩云昌黎前進士司馬老先生蓋用此故事又鐵圍山叢話鄭尚明昂老先生也後世京朝官稱老先生蓋始此然宋史王黼治事梁師成呼為恩府先生趙范致書丞相史弥遠亦但稱先生

范上弥遠書曰天下之人無不知李全欲反臣先生亦知其必反時弥遠當國權位最重而范稱之曰先生又吳賤降金相巨源圖興復謂安西曰非先生不足以主此事非巨源不足以了此事則宋時老先生之名尚非仕途常稱元人程鉅夫集有送學舟老先生詩疑此稱

起於元初王弇洲觚不觚錄三司見督撫稱老先生見巡按稱先生大人則前明老先生之稱犹未濫及王新城香祖筆記謂京官旧例各衙門稱謂有一定如翰詹稱老先生吏部稱選居印居科稱掌科道稱道長是也自康熙丙子以後則各部司及中行評博無不稱老先生矣此又近日京官通稱老先生之故事也

官人

奴僕稱主及尊長呼卑幼皆曰某官人亦有所本杜田杜詩博議官人乃隋唐間沿北史梁彥光傳初存亡後訴訟官人千變万端旧唐書高祖紀官人百姓賜爵一級武宗紀中書奏赴選官人多京債御覽文士傳棘蒿

見陸雲作逸民賦高以爲丈夫出身不爲孝子則爲忠
臣必欲建功立策爲國宰輔遂作官人賦以反之此官
人之見於史傳者然唐以前必有官者方稱官人昌黎
集王適墓誌銘云一女憐之必嫁官人不以與凡子是
也至宋則已爲時俗通稱宋史岳雲傳雲年十二卽從
張憲戰多得其力軍中呼爲羸官人夷堅志易官人及
第條有報榜者至逆旅曰此唐有易官人及第又陸氏
負約一條陸氏再醮後独步廳事有急足來稱鄭官人
有妻鄭乃其前夫也張次山妻一條次山喪妻後入京
參選偶游相國寺與亡妾遇驚問之妾曰現服事媽
在城西一空宅官人可以明日飯後來相會此又可見
官人之稱在宋時已爲常談也明制郡王府自鎮國將
軍而下稱呼止曰官人然官人之稱已遍於士庶固不
僅王府支屬矣

官

世俗以行相呼曰幾官此亦最古梁韋武陵王紀南湘
東王繹將討侯景謂僚佐曰七官文士豈能匡濟後紀
爲繹兵所敗繹將樊猛入其舟紀曰願送我見七官唐
摭言李舟與齊映友善映爲將相舟以韋與之枕曰十
二官足下

爺

爺本呼父之稱說文云吳人呼父爲爺是也今不特呼

父凡奴僕之稱主及僚屬之呼上官皆用之宋王瓌
子絢六歲續論語郁、乎文哉外祖何尚之戲曰可改
耶、乎文哉以郁乃其父嫌名也南史侯景既僭位王
偉勸立七廟并請七世諱景曰前世吾不復記惟阿爺
名標是六朝人但以爺呼父也今通用為尊貴之稱蓋
起於唐世按通鑑高力士承恩久中外畏之太子亦呼
為兄諸王諸公呼為翁駙馬輩直呼為爺新唐書曰直呼
為爺可見從前但以呼父未有以呼貴官者自此以後
遂相沿為尊貴之稱今世俗所稱王爺公爺老爺所自
來矣木蘭詩不聞爺孃喚女声杜詩見爺仰而啼爺娘
妻子走相送此爺字之入詩者

爹

莊綽雞肋編云今人呼父為爹母為媽兄為哥舉世皆
然問其義則無說爹字雖見於南史梁始興王憺刺荆
州還民歌之曰始興王人之爹赴急如水火何時來哺
乳我荆楚方言謂父為爹乃徒我切又與今世俗所呼
之音不同也云々然戴埴鼠璞已辨之謂爹字原有兩
音按廣韻陟斜切羌呼父也徒可切北方人呼父也隋
書回紇使以父為多唐書回紇阿啜可汗亦呼其大相
頡于迦斯曰兒愚幼惟仰食於阿多因政不敢與也則
亦與徒可切之音相近矣又韓昌黎祭女文亦有阿爹
阿八之稱宋人小說記顯仁太后自金回值壽節高宗

極天下之養用宣和故事以黃涎沉腦屑灌燭內列十
數枝白太后曰此燭頗愜聖意否太后曰爾每夜常
設數百枝上私謂憲后曰如何比得參富貴仇遠釋
史錢良臣自諱其名其子續妻凡遇良臣字皆令避之
一日讀孟子今之所謂良臣古之所謂民賊也亦改云
今之所謂參古之所謂民賊也聞者太笑

家祖家父家居家兄舍弟家姑家姊

賔退錄云今南北凡俗稱其祖及父母莫不加以家字
按後漢書王丹使大司徒侯霸欲與丹交遺子昱侯於
道曰家公欲與結交列女傳馬融女嫁袁隗譏融有
貪名妻曰孔子不免武叔之毀家君獲此故其宜爾顏

之推家訓云昔侯霸之子孫稱其祖曰家公陳思王稱

其父曰家父母曰家母潘尼稱其祖曰家祖則家祖家

父家母之稱由來久矣魏略文帝嘗言家兄孝廉自其

分也家兄謂倉舒晉載記苻堅時慕容泓起兵與堅妻曰資備

大駕奉送家兄皇帝家兄謂慕容暉北史楊津傳津事兄椿極

敬人有就津求官者津曰此事須家兄裁之陽俊之自

言有文集十卷家兄謂伯休亦不知吾才士也梁元帝攻蕭

詡謂其兄詡曰家兄為釋所攻無辜屢被攻圍七父若顧親恩豈

應若是此家兄之稱之見於史傳者也又魏文帝謝鍾

繇見與王琰妻曰是以令舍弟子建因荀仲茂從容喻

鄙旨又世說戴安道高隱而其兄欲立功業謝太傅曰

鄉兄弟志業何其大殊戴曰下官不堪其憂家弟不改其樂南史齊東昏賜蕭懿死懿臨歿謂使者曰家弟在雍深爲朝廷憂之家弟指梁武帝時爲雍州刺史唐書柳公權爲侍書學士其兄公綽與宰相李宗閔書曰家弟本志儒學以侍書見用頗類工祝願德散秩此舍弟家弟之見於史使者也顏之推又云姑姊妹已嫁則以夫氏稱之在室則以次第稱之言禮成他族不得稱家也子孫不得稱家者輕略之也然蔡邕書文稱姑姊曰家姑家姊北史高道穆爲京邑出遇魏帝姊壽陽公主不避道、穆令卒捧破其車公主泣訴帝、他日見道穆曰家姊行路相犯深以爲愧則家姑家姊之稱亦有自來矣今俗惟子孫

堂兄弟

不稱家其猶顏氏之遺訓歟褚河南帖稱其姪曰家姪俗以曰祖之兄弟爲堂兄弟按禮經曰從兄弟無堂兄弟之稱也其稱蓋起於晉時晉書司隸荀愷有從兄喪自表赴哀詔未下而愷造太傅楊駿第傳咸因劾奏愷曰死喪之戚兄弟孔懷曰堂方損輒行造渴急諂媚之敬無友子之情曰堂之見於史者始此南史劉暄傳徐世檟曰明帝是武帝曰堂尙加減害後魏書公孫猷封氏之甥其從兄遂李氏之甥地望懸隔祖季珍曰士大夫須好姻親二公孫曰堂兄弟耳吉凶會集便有士庶之別元顥入洛廣陵王遙欣集衆淺曰北海長承俱是

同堂兄弟今欲何向北奔韋孝昭帝謂趙郡王獻曰須
拔是我同堂弟旧唐書中宗卽位以堂兄千里爲成紀
郡王又李師道伏誅其堂弟師賢等并流張猷滅清老
薦其堂弟猷恭自代徐堅傳詔書有與逆黨同堂親不
得任京官柳漁使臣堂伯祖爽與褚遂良等同被遣戮
則更有堂伯祖之稱矣唐書韋縉傳有淺堂姨舅服制
一疏又有堂舅堂姨堂甥之名

尊老尊兄令弟

杭州人自稱其父曰尊老徽州人自稱其兄嫂曰尊兄
尊嫂他處則稱人之父曰尊公尊老稱人之兄嫂曰尊
兄尊嫂按晉書載紀劉涓涓傳祇之子暢曰尊公虽不

達天命然各忠其主南史何子平之母年未及終養而
籍註有誤年例已滿子平卽便去官顧愷之謂曰尊上
年矣未八十親故所知何卽辭祿吉玠之父犯重罪玠
乞代父死蔡法度誘之曰上知尊侯無罪行當自親北
史楊播與北海王詳淺論不屈詳顧播姪昱曰尊伯姓
剛不服理唐書李林甫恐嚴挺之大用乃謂其弟損之
曰上待尊兄意甚厚盍爲見上策此皆稱人之父母伯
叔爲尊而非以自稱其父母伯叔也然以之自稱亦有
所本何子平爲揚州從事月俸得白米輒易粟麥人曰
所利無幾何足爲煩子平曰尊老在東不辨得米何心
独享白粲是自稱其父曰尊老也三國志注袁術與袁

紹堯曰神應有徵當在尊兄北齊堯後主緯居南宮其弟琅琊王儼從上皇胡后居北宮嘗於南宮見新冰早李還怒曰尊兄已有我何竟無後儼殺和士開後主緯使人召儼曰尊兄若欲殺臣不敢逃罪此自稱其兄曰尊兄也隋煬帝將即位先縊死其兄勇乃即位曰令兄之弟果堪大任此又自稱其兄曰令兄也謝靈運與惠連弟詩云末路值令弟酬問同心顏杜工部詩令弟草中來倉然清論事是又自稱其弟曰令弟也

文人

王充論衡人形一文正也故名男子爲丈夫尊公嫗爲丈人也至壻呼婦翁曰丈人不知起於何時吳曾能改齊漫錄謂本於史記匈奴謂漢天子我丈人行也然史記注丈人尊長之稱非必專以之指婦翁也論語子路遇丈人莊子子貢遇灌園丈人戰國策秦王謂唐睢曰丈人茫然而來嚴遂奉百金於聶政曰爲丈人粗粉之資史記荆軻傳高漸離家丈人召使前擊筑灌嬰聞魏勃奉教齊王反責之勃曰失火之家豈暇先言丈人而後救火乎宋堯袁熙爲彭城王義康說范蔚宗曰小人清以七尺之軀立功事成改諸吾子丈人何如孔熙先亦以涖激蔚宗曰丈人若謂朝廷相待厚者何故不與丈人爲婚南史張充與王儉堯曰所可推襟送抱者惟丈人而已唐堯元載擅權時有丈人從載求官載度其

人不足任事但贈河北一書文人不悅及往渴節度使
大獲過望杜甫贈韋濟詩文人試靜聽是皆尊者通稱
耳三國志獻帝舅車騎將軍董承句裴松之註云靈帝
母董太后之姪於獻帝爲文人古無文人之稱故曰舅
也此則雖非妻父然以舅爲文人則裴松之時已有是
稱而妻父曰外舅則以外舅爲文人蓋亦卽起於是時
耳莊綽雞肋編引柳子厚稱妻父楊詹爲文人以爲後
世呼妻父爲文人之始然南史齊東昏呼潘妃父寶慶
爲阿文唐畫杜黃裳之壻韋執誼爲相黃裳勸其清太
子監國執誼曰文人甫得一官奈何啓口淺禁中事是
六朝及唐已有是稱宋史張永德乃郭威壻威起兵常

遇渭永德曰君視文人事得成否此又近代婦翁稱文
人之故事也蓋唐以前凡尊長及婦翁皆曰文人後遂
專以屬之婦翁耳今人呼婦翁爲文人而稱交游中尊
者亦尙曰某文想六朝及唐亦如此也至婦翁曰岳丈
曰泰山其說尤紛々不一或曰晋乐廣爲衛玠妻父岳
丈蓋樂丈之訛也釋常談則曰因泰山有丈人峯故也
按泰山有丈人峯而玉匱經青城山黃帝亦封爲五岳
丈人則山之稱丈人者不一世俗以婦翁有文人之稱
而丈人又有山岳之典遂引以爲美稱耳晁氏客語引
開元十三年封禪泰山三公以下例遷一階張說爲封
禪使其壻鄭鑑自九只至五只會大宴明皇訝之黃幡

綽曰泰山之力也宋人叙常引此以為稱丈人為泰山之始然則唐時并已有泰山及岳丈之稱矣又黃譜筆記渭漢郊祀志大山川有嶽山小山川有嶽壻山嶽而有壻則嶽可以呼婦翁矣世俗之稱未必不因此又因山嶽而轉為泰山耳此豈近附會亦可備一解通鑑唐僖宗避黃巢出奔至壻水詔成都備巡幸

舅

舅之稱有三爾雅母之舅弟為舅秦凡所謂我送舅氏是也妻父曰外舅孟子註謂我舅者各謂之甥是也夫之父曰舅禮記所謂舅姑爾雅所謂姑舅在則稱居舅居姑沒則曰先舅先姑是也後人呼妻兄弟曰舅本非古法爾雅謂專之昆弟為甥劉熙秋名謂之外甥是今

之所謂舅正古之所謂甥乃俗呼正相反蓋妻之昆弟方謂我之子為甥而我呼妻之兄弟亦為甥本無差別故從子已之子之稱以尊之耳新唐書朱延壽傳延壽為楊行密妻弟行密以其私附朱全忠乃誑其妻曰吾喪明諸子幼得舅來代我無憂矣及至乃殺之通鑑則云軍府事當悉授三舅胡三省注云延壽第三呼妻之兄弟為舅始見於此則五代時已有此稱也

內兄弟

儀禮姑之子稱外兄弟舅之子稱內兄弟閻若璩云今人稱妻弟為內弟非也從史記當稱妻弟從漢書當稱婦弟云々然顏真卿家廟碑銘云祖昭甫工書與內弟

殷仲容存名父惟貞少孤育於舅仲容氏蒙教筆法是
仲容乃昭甫之妻弟也而云內弟則妻弟之稱內弟自
唐已然

親家翁

輟耕錄云男女姻家相呼曰親家翁此三字見唐韋蕭
瑤使瑤嘗因宴太宗若羣臣曰自知一座最貴者先把
酒羣臣相顧未言瑤引手取杯帝問何況曰臣是梁朝
兒隋室皇后弟唐朝天子親家翁又唐明皇女新昌公
主下嫁蕭嵩子衡嵩妻人謂帝呼爲親家母是也然隋
皇煬帝令宇文述之子士及尚公主呼述爲親家翁述
治李渾嶽成帝曰吾宗社幾覆賴親家翁而獲全則隋

時已有此稱又後漢書禮儀志上陵之後百官四姓親
家婦女咸列註凡與先后有瓜葛者曰親家是親家二
字本起於漢也五代史李愚代馮道爲相而愚道每指
其所失謂劉昫曰此公親家翁所爲益均乃道之親家
也蘇氏問談錄馮道與趙鳳同在中書鳳女適道仲子
以飲食不中爲道妻譴罵鳳令婢訴道凡數百言道不
答及去但云傳語親家翁今日好雪此亦親家翁之見
於記載者呂藍衍言鯖謂親家翁親字瀆作去声自五
代時已然亦不始於五代盧綸作王駙馬花燭詩云
人主人臣是親家則唐已作去声矣

郎君大相公

吳斗南云漢制二千石以上得任其子爲郎故謂人之子弟爲郎又其時稱相國爲相君尚書令中書令爲令君使者曰使君太守曰府君故湄郎亦曰郎君云是郎君之稱其原皆出漢任子也漢以後則凡身事其父者皆呼其子爲郎君而郎君遂爲貴介及裙屐少年之美稱至唐又爲極尊貴之稱并有加之帝王大臣者後漢書西南夷傳越雋太守張翕卒安帝以其有遺愛乃拜其子湍爲太守夷人歡欣奉迎曰郎君儀貌類我府君魏書甄琛好弈碁通夜不止令奴秉燭或時睡輒加杖奴曰郎君辭父母仕宦京師若爲續晝執燭奴不敢辭罪乃以圍碁日夜不息豈向京之意而賜加杖罰不亦非理南史齊晉安王子懋爲明帝所害子昭基以二寸絹爲晝參向消息故吏僧慧見之曰此郎君晝也一慟而卒張冲爲梁武帝所圍攻歿其子元嗣固守及力屈將降故吏房長瑜曰前使君忠貫日月郎君但當端坐晝一以荷析薪唐明皇欲立忠王璵爲太子而李林甫勸立壽王上猶豫不決忽忽不樂高力士請其故上曰汝揣我何意力士曰得非以郎君未定耶但推長而立之復誰敢爭史思明嘗爲裴寬裨將後據東都訪得其子譖呼爲郎君後唐莊宗爲晉王時令其子繼岌爲張承業舞承業以帶馬爲贈曰郎君纏頭皆出承業俸祿梁敬翔謂末帝曰臣事先帝三十餘年今雖爲相

實朱氏老奴耳事陛下如郎君徐溫從治昇州使養子
知誥為潤州團練使知誥不樂宋奇邱曰三郎驕縱溫親
訓也留賜敗在旦夕潤州去廣陵一水耳此天授也又吳
王之弟歷陽公濛以國政盡畀徐氏心不平念周本乃
吳之勲旧遂往授之本將出見其子宏祚固諫本怒曰
我家郎君來何為不使我見此皆身事其父而呼幼主
之稱也周瑜稱周郎何晏稱粉郎何潘岳稱潘郎檀
郎江敦稱江郎謝道韞稱其夫王凝之為王郎王僧辨
稱鮑泉為玉郎隋滕王瓚尚周武帝妹順陽公主美姿
容時人稱曰楊三郎此皆少年之美稱六朝以來王公
之子弟皆稱之晉韋桓元使元興中有童謠云長干巷

長干今年殺郎君後年斬諸桓已而會稽王之世子
元顯果為元所害是也至唐而郎之稱益尊張易之兄
弟舉朝稱為五郎六郎安祿山呼李林甫為十郎劉駱
谷自京來安祿山必問十郎何言宦官李輔國用事宦
者不敢呼其官皆謂之五郎甚至裴坦之子勛呼其父
為十一郎何后呼元宗為三郎韋堅唱得寶歌亦有三
郎當殿坐之語優人黃幡綽對元宗并稱三郎郎當代
宗罷李輔國中書令輔國憤之謝曰老奴事郎君不了
而郎之稱直加於帝王矣至如李義出見棄於令狐楚
而有詩曰郎君官貴施行馬東閣無因得再窺楚乃令狐相國之子也
朱滔遣人說田悅曰日者八郎有急滔與趙王來救今

願八郎治兵與滔共取大梁王武俊亦稱田悅為八郎
朱全忠取河中王珂面縛出降全忠止之曰太師舅之
恩何敢忘謂珂之父若郎君如此使僕何以見舅於地下
此又皆貴人子弟之通稱也又唐人稱新進士亦曰郎
君撫言薛逢晚年厄於宦途嘗策羸赴朝值新進士榜
下終行而出前導人謂逢曰迴避新郎君是也又後唐
莊宗既被害弟存霸奔投李彥超軍士欲殺之彥超曰
六相公來當奏取進止又明宗子從榮年少驕狠或勸
之曰河南相公有老成之凡相公宜自策勵勿令聲聞
出河南之下河南謂其弟從厚也潞王從珂拒命閔帝
使安彥威張虔釗等討之從珂在城上自訴從先帝百

戰得天下今何罪而受誅聞者哀之楊思權因大呼曰
大相公吾主也遂率諸兵降從珂此又稱幼主為相公
之見於書使者也蓋時俗之美稱也其始本不甚尊往
、漸加之於極貴及相呼既久則又為通稱如宋時猶
稱宰相為相公今則下賤者亦稱相公矣

哥

哥字廣韻云今呼為兄韻會亦云今人以配姊字為兄
弟之稱是哥之為兄其來久矣然旧唐書王琚傳元宗
泣曰四哥仁孝曰氣惟有太平四哥謂睿宗也又元
宗子棣王琮傳惟三哥辨其無罪三哥謂元宗也是以
哥呼其父矣顧寧人以為君父之尊而呼之曰哥名之

不正莫此爲甚然古人稱哥原有數種漢武故事西王
母授武帝五嶽真形圖帝拜受畢王母命侍者四非答
哥、此以之稱帝王者也唐元宗與寧王憲里稱大哥
及月玉真公主過大哥園池此稱其兄者也晉王存鼎
呼張承業爲七哥又三司使孔謙兄事伶人景進呼爲
八哥此亦稱兄長者也王荆公與其子雱評論天下人
物屈指謂雱曰大哥自兄一箇大哥即趙善湘歿歿顧其
長子疑曰汝官不過監司太守洛次子范曰汝聞閩恐
無結果三哥甚有福但不可作宰相耳三哥謂弟此父之
稱其子者也蓋古人又以哥爲郎君之稱雖宮闈之間
亦然晉王存勗命其子繼及爲張承業起舞指錢積謂

美業曰和哥之錢宜與一積周太祖子青哥意哥皆爲
漢所誅周世宗長子曰宜哥俱見五代史攸阳公名其
子曰僧哥見稗史陸放翁之伯小名馬哥見老學庵筆
記又韓魏公君臣相遇使英宗卽位光獻太后心不悅
一日謂韓琦曰昨夢這孩兒坐慶寧宮大哥乘龍上天
去大哥謂英宗子神宗也又顯仁太后自金將旣欽宗
卧其車前曰傳語九哥吾南旣但爲太乙官使足矣他
無所望於九哥也九哥謂高宗則兄之稱其弟也葉紹
翁四朝聞見錄高宗已命高士儂尙柔福帝姬及顯仁
太后旣謂高宗曰哥被番人笑說錯買子顏巷帝姬呼
高宗爲哥則母之稱其子也又高宗禪位後遊大滌山

有陸凝之獻詩高宗曰布衣人翰林可也敝當若大哥
行之大哥謂孝宗也則亦父之稱其子也又前明泰昌
升遐閣臣劉一燝等請熹宗既出李選侍犹呼哥兒卻
還者三可見宮庭中呼太子諸王皆曰哥乃親貴之稱
想唐時已如此然則顧寧人之號母亦狃於吳中習俗
而不知哥字之本有是異稱也

孩餘叢考卷三十八

陽湖 趙翼 雲崧

娘子

韻會娘字本少女之稱北齊裴讓之謂祖珽曰老馬十
歲尚號駟駒一好耳頰強稱娘子可見娘爲少女自昔
已然北史后妃傳序高歡妃有馮娘李娘王娘穆娘南
史劉孝綽妹嫁徐悱才尤清拔人謂之劉三娘唐畫太
平公主起兵應高祖号娘子軍楊貴妃初入宮有窻宮
中号曰娘子崔令欽教坊記范漢女大娘子亦是字本
家有姿媚花葉夫人官詞渚院各分娘子位昌黎祭女
孥文稱四小娘子祭姪孫女李十妻稱李氏二十九娘

子東坡爲子邁求婚啓云伏蒙令子第二小娘子金史
海陵以第二娘子大氏爲貴妃第三娘子蕭氏爲昭容
是皆以娘爲少女之証也然呼母爲娘亦始於六朝本
蘭詩不聞耶娘喚女声南史竟陵王子良傳武帝爲縣
令時與子良母裴氏不諧遣人送還都子良年小帝謂
之曰汝何不讀書子良曰娘今何處何用讀書北史帝
世康傳世康欲引退與子弟書曰娘春秋已高温清宜
奉陪太子勇詔衛王曰阿娘不與我一好婦亦是可恨
阿娘謂母独孤后也呼母爲娘則娘又爲尊稱矣杜詩
爺娘妻子走相送亦謂母也宋史韓魏公傳宮中稱郭
后爲大娘劉妃爲小娘龜川雜誌仁宗稱劉氏爲大娘

娘楊氏爲小娘、則竟是母后之稱矣高宗宮中亦有
兩劉娘子一喜滷經宮中呼爲看經劉娘子一善治饌
宮中呼爲上食劉娘子則亦以爲尊稱而非以爲少女
也蓋俗稱與古義往、有不相合者如小姐之姐說文
本罵人呼母之稱而今世反以稱少女又北史南陽王
綽傳綽兄弟皆呼父爲兄兄嫡母爲家、乳母爲姊姊
婦爲妹、此亦稱謂之可異者按呼母爲家、亦不獨
北齊蓋六朝時南北皆如此琅琊王儼既誅和士開等
後主使人召之儼曰士開謀廢至尊剝家、頭使作阿
尼臣故矯詔誅之家、謂母、胡后尊兄若欲殺臣、不敢逃罪若
放臣願遣姊姊來母、謂後主乳母陸令萱後主見兵不解啓太后曰有

緣更見家、無緣永別又存文宣以姪女樂安公主妻
崔達擊嘗向公主達擊於汝云何答云甚相敬惟阿家
憎兒文宣乃殺其母阿家謂其姑此北朝之呼母為家、也南
史范蔚宗懷刑其妻罵之曰君不為百歲阿家作計蔚
宗母泣責蔚宗仍以手擊其頸蔚宗妻云罪人阿家莫
念此南朝之呼姑為阿家蓋亦因夫呼母為阿家故婦
稱姑亦曰也漢時又有呼母為社者淮南子說山篇東
家母死其子哭之不哀西家子見之歆謂其母曰社何
愛速死吾必悲哭社高誘注江淮人謂母為社也四朝
聞見錄宋高宗欲以憲聖吳氏為后謂之曰俟姐、歆
當舉行此姐、指母尊太后也憲聖曰大姐、遠處北

方妾豈敢干此大姐、謂高宗元妃邢氏也則南宋又
有稱姑及正后為姐、者

小姐

今南方搢紳家女多稱小姐在宋時則閨閣女稱小娘
子而小姐乃賤者之稱耳錢惟演玉堂逢辰錄記管王
宮火起於茶酒宮人韓小姐謀放火私奔是官婢稱小
姐也東坡亦有成伯席上贈妓人楊姐詩夷堅志傳九
者好狎遊常與散乐林小姐綢繆約竊而逃不得遂與
林小姐共縊死又建康女娼楊氏死現形與蔡五為妻
一道士來仗劍逐去謂蔡曰此建康娼女楊小姐也此
妓女稱小姐也

姨娘

姨本妻之姊妹之稱見爾雅及秩名又左傳莊十年蔡
哀侯娶于陳息侯亦娶焉息媯過蔡、侯曰吾姨也止
而見之是也然世俗又稱妾爲姨娘亦有所本南史齊
衡陽王鈞五歲時所生母區貴人病便悲戚左右以餅
飴之不肯食曰須待姨瘥晉安王子懋七歲時其母死
淑媛病篤有獻蓮花供佛者子懋流涕禮佛曰若使阿
姨因此和勝願諸佛令此花竟父不萎二王皆呼母爲
姨蓋姨本姬侍之稱二王所生母皆非正嫡宮中久呼
爲姨故其子之呼母亦同耳

三姑六婆

較耕錄三姑者尼姑道姑卦姑也六婆者牙婆媒婆師
婆度婆藥婆穩婆也

孀婆

俗稱乳母曰阿孀亦曰孀婆其不乳哺而但保抱者曰
乾孀婆按漢時稱曰阿母漬如阿房之阿所謂長於阿
保之手也後漢書袁閔少時往省其父彭城相在途袁
姓名人無知者既至府吏不爲通會阿母山見之人自
夫人乃召八又陳忠傳帝愛信阿母王聖封爲野王君
是漢以前皆稱阿母也至六朝始有孀婆之稱宋書何
羨天年老始除著作諸佐郎皆年少各家荀伯子嘲之
爲孀母承天曰卿當知鳳凰將九子何言孀母耶北史

魏靜帝每云崔季舒是我媪母謂政事皆與之商權也
北齊書陸令萱以乾媪婆封郡君唐書哀帝二年九月
詔封媪婆楊氏為昭儀第二媪婆王氏先已封郡夫人
今准楊氏例改封李商隱七不稱意內云少阿媪又春
渚記聞施媪婆年六十育沈氏二子為人織履及緝紉
之事以供之

連衿

爾雅兩婿相謂曰亞拉云今江東人呼為儗婿嚴助傳
呼友婿嬾真子錄云江北人呼連袂又呼連衿也連衿
二字見此

布袋

俗以贅婿為布袋按天香樓偶得云三餘帖馮布少時
贅於孫氏其外舅有瑣事輒曰令布代之布袋之訛本
此

家生子

奴僕在主家所生子俗謂之家生子按法苑珠林記庸
嶺有大蛇為患都尉令長求人家生婢子及有罪家女
祭之家生之名見此然漢書陳勝傳秦令少府章邯免
驥山徒人奴產子師古注曰奴產子猶人云家生奴也
輟耕錄引之以為家生子之據更為明切

奴才

罵人曰奴才世謂起於郭令公子儀渚子皆奴才之語

非也晉劉淵罵成都王穎曰穎不用吾言逆自奔潰真奴才也田嵩罵楊難敵曰若賊氏奴才安敢希覬非分王猛曰慕容評真奴才蚩億兆之衆不足畏况數十万乎魏爾朱榮媚元天穆曰葛榮之徒本是奴才乘時作亂唐末董璋反以韋滂姚洪不聽城陷璋責之洪曰汝奴才固無恥吾義士肯隨汝所爲乎是晉唐已有此若按奴或作鴛顏氏家訓謂貴游子弟當離亂之後朝市遷革失皮而露質當此之時滅鴛才也又五代史朱守殷傳守殷少事唐莊宗爲奴後爲都盧候使守德勝王彥章攻之守殷無備南城遂破莊宗罵曰鴛才果是予事

底下人

俗稱奴僕爲底下人南史陳伯之傳褚繹渴范雲、不見繹怒曰建武以後草沢底下悉成貴人吾何罪而見棄唐洋州刺史趙臣淺選舉疏有曰授官多底下之人修業抱後室之嘆

阿

俗呼小兒名輒曰阿某此自古然如漢武云若得阿嬌當以金屋貯之蜀先主涪履統曰向者之論阿誰爲失魯甫拊呂蒙背曰非復吳下阿蒙阮籍謂王渾曰與卿若不如共阿戎飲以及謝惠連之稱阿連唐武后之稱阿武婆帝后自稱阿爺之類亦有不連其名而直以次

第呼之者魏略散騎皆以高才充選獨孟康以外戚得
之人共輕之呼爲阿九梁韋武帝謂復用王宏曰阿六
汝生活大可階韋文帝呼其弟瓚爲阿三五代史王從
珂小名阿三莊宗見其勇曰阿三不惟與我同年其敢
戰亦類我各處方言不同而以阿呼名遍天下無不同
也 本朝國若亦以阿厄漪起而余隨征緬甸軍中翻
訊緬文亦多阿喀拉等音凡矣若未有不起于阿者嘗
細思其故小兒初生到地開口第一聲卽係阿音則此
乃天地之元音宜乎遍天下不謀而同然也

僧稱

僧之稱釋家從釋道安始道安謂佛氏釋迦今爲佛子
宜從釋氏帛尸因請學佛者皆姓釋氏此僧家稱釋氏
之始其曰比丘者懼仙原始秘書云稱佛爲牟尼謂德
同仲尼也沙門爲比丘謂德同孔子也女沙門曰比丘
尼謂德同孔子仲尼也葉石林避暑錄云晉宋間佛家
初行其徒犹未有僧稱通曰道人按存書莊嚴寺有僧
達道人講座東昏至蔣山定林寺一沙門病不能避去
藏草間帝將殺之韓暉光曰老道人可念是也僧之自
稱則曰貧道顏竣使釋僧舍謂竣曰貧道常見讖記是
也僧之稱和尚本於釋典羅云出家羅佛命舍利佛爲
其和尚大曰健連作阿闍黎故沙門以和尚爲尊貴之
稱亦見香祖筆記

輟耕錄云今人謂駟僧曰牙郎其實乃互郎主互市者也按此說本劉貢父詩話駟僧爲牙世不曉所謂道原云本謂之互卽互市耳唐人畫互作牙、互相似故訛也然旧唐書安祿山傳祿山初爲互市牙郎則唐時互與牙已屬兩字

名賊

士之有名者曰名士月令季春之月聘名士召覽尊師篇爲天下名士顯人史記張耳陳餘魏之名士漢書田蚡傳進名士家居者貴之後漢書种暠傳河南尹田歆當舉六孝廉其五人皆有貴戚書余不敢違歆欲自用

一名士乃以高應詔又黨錮傳陳蕃竇武欲誅宦官引用天下名士魏志荀攸傳何進徵海內名士攸等二十餘人又梁習薦州界名士常林楊俊等吳志孫策論太史慈曰子美青州名士終不欺我裴松之三国志注引漢末名士錄甚多是名士之稱起於秦漢也亦曰名流南史阮孝緒傳其爲名流欽尚如此是也亦曰名輩蔡博傳其爲名輩所知如此又范泰傳宋武向謝混如泰者名輩誰比是也亦曰名家裴松之傳晉考武太元中選名家以參顧問是也公卿有名者曰名公裴松之論鍾會名公之子声誉夙著又邢原別傳河南張範名公之子宋書謝景仁傳武帝目景仁爲名公之孫以其爲

謝安從孫故云蔡疑使疑以名公子選尙信美公主是也亦曰名卿漢書王吉傳蓋執諸名卿可幾是也亦曰名臣魏正始中詔撰名臣奏羨梁沈約論謝宏微古之所謂名臣宏微當之是也爲人父而有名者曰名父漢書蕭育傳王鳳以育名父之子除爲功曹存書武帝稱劉景素名父之子是也爲將而有名者曰名將漢書梁布傳贊終爲漢名將李廣傳李廣程不識皆名將是也爲郡守而有名者曰名守南史存明帝謝瀛徐孝嗣并爲吳興皆号名守是也醫之精於技者曰名匠南史李希邕傳母病名匠療之不能愈又許智藏傳時号名匠是也番長之有名者曰名王漢書宣帝紀單于遣其名王奉獻顏師古註名王者謂有大名以別諸小名是也獨漢書蕭育傳鄂名賊梁子政阻山爲害右扶凡誅之又唐書高祖女平陽公主遣奴馬三寶論降名賊何潘仁李仲文等各率兵會高祖名賊之稱大奇

女細

旧唐書王琬傳云此輩降蕃翻作細作宋史紹興二年翟汝交與秦檜對案相詬曰檜爲金人女細

別号

月令大雩帝邦康成註云帝上帝也乃天之別号別号二字始見於此然世之有別号古不經見吳萊三墳辨謂飯藏本黃帝之別号則別号起於上古韓詩外傳及

漢畫古今人表謂帝嘗學於赤松子淮南鴻烈作赤誦
子此又在黃帝之前則別号當以赤松爲首然故藏乃
黃帝畫名亦松亦或周秦人所臆撰未必上古之人如
後世於字名外別立一号以自標榜也別号當自戰國
時始丹鉛錄云戰國策秦惠王時有寒泉子注云秦處
士之号史記索隱云甘茂居渭南陰鄉之樗里故号樗
里子又范蠡去越自号陶朱公又号鴟夷子皮又号海
濱漁父蘇秦張儀皆師鬼谷子南華畫有庚桑子秦漢
間有江上丈人河上公之類皆後世所謂別号也然其
人類多隱逸者流欲自諱其姓名而爲此非如後人反
借此以自標異也兩漢之時尙少其見於史傳者惟商

山四皓綺里季角里先生等四人至今終莫知其姓氏
又封君達号青牛師程高医術自言得一老父号涪翁
者至晋而陶潛号五柳先生南齊臧榮緒号被褐先生
梁陶宏景号華阳隱君人間畫札卽以隱君代名又痊
鶴銘有華阳真逸說者謂卽宏景別号或以爲顧況別
号北史李昭徽將妻子入嵩山号黃冠子李綽常逸游
放恣自号隱君李公緒自号達生文人鄭道昭号中岳
先生則別号之凡漸間然尙皆畸人逸士好奇弄詭者
之所爲卽至有唐如李淳凡之父号黃冠子王績号東
臯子又号無心子田游巖号由東隣鄧世隆号隱元先
生張薦号史遁先生鄭薰号七松處士賀知章飯老後

号四明狂客又号秘圭外監元結号漫郎又曰警叟又曰琦玕子郝純号伊川田父陸羽号桑苧翁陸龜蒙号江湖散人又曰天隨子又曰甫里先生張志和号烟波釣叟又曰元真子司空圖号耐辱居士亦皆巖棲谷汲隱居不仕或仕而畝田者乃有此号至達官貴人則自以官位相呼不聞別署一号以托高致也達官貴人之有別号蓋始於宋之士大夫亦謂之道号如長樂老六一老泉半山東坡之類相習成風遂至販夫牙僧亦莫不各有一号宋人小說載某官拿獲一盜責其行劫盜輒曰守愚不敢詰之則守愚者其別号也盜賊亦有別号更何論其他矣近有人詵別号詩曰孟子名軻字未使如今道号却紛然子規本是能言鳥又要人稱作杜鵑可爲一笑也軻耕錄吾子行云唐人虽有道号却不曾刻入印章别号刻印亦自宋人始

古人虽無别号而学行足以服人者自有加之美号者如東觀漢紀每臘賜博士辛甄字独取最瘦者後詔问瘦羊博士所在京師人因以号之後漢圭伏生之後世傳经学清淨無競州人号爲伏不闕董宣爲洛阳令人号爲卧虎郑均家居年老賜尚圭祿人号爲白衣尚圭張霸年數歲即知孝讓人号爲張曾子曾匡有權術人号爲智囊江革至孝人号爲江巨孝黃憲德甚高袁闕稱爲顏子楊震博学耆儒稱之曰

閩西孔子廖扶高行人稱爲北郭先生馬瑤隱沂山人號爲馬牧先生以及漢末三君八俊八顧八及八厨之類黨錮傳所謂海內希凡之流共相標榜天下名士爲之稱號也南史宗元卿性至孝鄉里號曰宗曾子蔡曇智人稱蔡曾子何伯璵人號爲何展禽滕曇恭至孝王儉稱爲滕曾子周續之通十經人稱爲顏子徐陵早慧、雲師亦稱爲顏回孔休源多識典故人稱爲孔獨誦許懋明於故事時稱爲侯註字江祐又稱之爲經史笥唐圭李守素淹通諸學盧世南稱爲肉譜張鷟王文詞如青錢萬選員半千稱之爲青錢學士殷踐猷博學人稱爲五總龜谷那律淹貫

羣書褚遂良稱之爲九經庫王起博學人號爲世仲尼賈曾有高節人稱閩中曾子裴敬彝以孝行文學重於時人號爲甘露頂薛大鼎爲滄州邦德本爲瀛州賈敦頤爲冀州皆有治行人稱爲鈞脚刺史北夢瑣言趙光逢凡神秀異人稱爲玉界尺元史廉希憲好孟子人稱爲廉孟子明史永樂中周新爲御史人目爲冷面寒鐵曾穆爲福建僉事人呼爲曾鐵面李綱巡按南畿罷脏吏四百餘人稱爲鐵御史黃紱剛直人呼爲硬黃馮恩劾汪鉉被逮朝審時與鉉爭詈時習其口膝膽骨皆鐵稱爲四鐵御史

混號

世俗輕薄子互相只目輒有混号呂氏春秋簡選篇夏
桀号移大儀渭其多力能推牛倒也此爲混号之始史
記酷吏郅都人号爲蒼鷹嚴延年人号爲屠伯漢書宣
帝求得外祖母王媪乘黃牛車詣闕百姓謂之黃牛媪
後漢書郭况家富号金穴馬援稱公孫述爲井底蛙蜀
志孔融稱袁術爲塚中枯骨顏師古匡謬正俗人呼董
卓爲董磔魚參典略記稱衡稱荀文若可惜面弔喪趙
稚長可監厨堵客号志許褚多力而癡人稱爲虎癡世
說晉張湛好于齋前植松柏袁山松出遊好令人歌輓
時人謂張屋下陳屍袁道上行殯晉書羊曼人号爲鮪
伯載記李特之先自巴西至楊車坂抄掠行旅人号爲

楊車巴于室撰搜神記人謂之鬼董狐南史宋武帝少
未涉學及爲相頗慕凡流有所笑論人不敢忤惟鄭鮮
之雅必切至帝感其輸情終厚之時人謂鮮之爲格佞
沈慶之患頭凡嘗看狐皮帽羣蠶惡之号曰蒼頭公殷
景仁号殷鐵范蔚宗以香名嘲朝士謂庾仲文爲耐香
何尚之爲零壘沈演之爲磨糖羊元保爲夷饒徐湛之
爲甲煎慧琳爲蘇合孝武帝狎侮羣臣多鬚者謂羊顏
師伯缺齒号之曰齧劉秀之儉恠謂之曰老恠王元謨
本北人号之曰老儉廢帝以湘東王或肥大盛以竹箠
謂之豬王以建安王休仁爲殺王以由陽王休祐爲賊
王奔東昏時奄人王宝孫有竈号爲俵子梁武時陸驗

容貌特醜人号爲生犀劉胡面均黑人号均胡蕭惠開
在弓嚴猛人謂之卧虎蕭坦之肥黑培声嘶人号爲蕭
啞北史古弼頭尖魏道武名之曰筆頭時人呼爲筆公
元暉與盧昶爲魏宣武帝所竇人号曰餓虎將軍飢鷹
侍中李崇任淮南亦号曰餓彪許惇爲主簿以明所稱
人号爲入鐵主簿惇美鬚人又号爲長鬣公谷楷眇一
目性暴酷人号爲瞎谷武元惊每向臺駕赤牛人号亦
牛中尉元慶智爲主簿事無大小得錢乃判或十數錢
或數十錢時号十錢主簿魏明帝爲太子時郭祚以黃
甌奉之祚又與應詔趙桃弓相附人号爲桃弓僕射黃
甌少師祚子景尙善事權勢人号爲郭尖宇文忠色黑

裴伯茂呼爲黑字刑昕好忤物人謂之牛副李象使于
梁談者謂牛象關李世哲善事人、号爲李錐柳遠無
拘檢人謂之柳瘡者葛穎好譖毀人時号爲冶葛宗道
暉好着大屐冀州人詔曰顯公鐘沙門宋公鼓宋女德宗道
暉屐李洛姬肚洛姬謂之四大梁彦光官相州政弛緩人
呼爲戴帽錫崔暹貪酷人呼爲癩兒刺史侯景呼韓軌
爲啾豬腸兒河南人笑河北人食榆謂之踏榆賊唐圭
崔日知爲太常卿自以歷朝久每朝集常與尙書同列
時号尙書裏行竇從一娶韋后乳母爲妻世謂媪塔爲
阿奢時人因呼從一爲因奢盧藏用隱終南山有意當
世人目爲隨駕隱士姚崇當國盧懷慎不能有所建白

人稱佯食宰相酷吏周興人呼爲牛頭河婆李林甫傾
險人呼曰李猫來填善擊賊呼爲來嚼鐵裴寬貧時
衣碧瘡而長人呼碧鶴雀張公素眼多白人稱白眼相
公常袞爲相政事壅滯人謂之鹺伯竇鞏與人言若不
出口世稱喑喑翁竇申倚其叔參勢招權納賄人目爲
喜鵲王志惜政嚴厉人呼曰皂鵬杜棕爲相未嘗薦士
時号秃角犀合狐絢執政其子瀉用事人号白衣宰相
崔休四拜宰相人号崔四入唐時宦官多閩人杜宣猷
爲觀察使歲遣祀奄人墓時号敕使墓戶于頓在襄陽
驕縱不法初襄陽器名天下謂之襄樣至是以頓故
凡方鎮不法者皆謂之襄樣節度鄭縻作詩爲俳諧者

故使落調人稱爲歇後郑上路巖與韋保衡当国勢動
天下人目其宅爲牛頭阿旁言如鬼陰惡也李匡威殘
暴人稱金頭王張鷟朝野僉載武后時張元一好品題
以趙廓渺小友家御史謂之梟坐鷹架魯孔邱爲拾遺
有武夫氣謂之鷲入鳳池蘇味道有才識爲九月得霜
鷹王方慶體質鄙陋爲十月被凍蠅婁師德長大而黑
一足蹇爲行轍方相吉頊長大好昂頭行視高而望遠
爲望柳駱駝袁本身黑而瘦爲嶺南考典朱前疑身體
垢臆爲光祿掌鐔東方虬身長衫短爲外軍校尉唐波
若矮短爲爵屈馬長孺子視望陽爲呷醋漢蘇微舉
止輕薄爲失孔矣鼠而張元一腹粗脚短吉頊亦日之

爲逆水蝦蟆又侯思正好食薑餅每縮葱和肉其中人
呼爲縮葱侍郎朱階侯姿少媚爲臞亂士梟賀若瑾眼
皮急項又粗爲飽乳犢子又魏光亦好龜題朝士以姚
元之長大行急爲逆蛇鸛鶴盧懷慎好視地爲觀鼠猫
兒姜皎肥而黑爲飽樵母猪倪若水黑而無鬚鬣爲醉
部薄精存處冲好眇目視爲暗燭底覓蟲老母呂延嗣
長大小髮爲日本國使人又目邦勉爲醉高震蔡字爲
小州医博士張孝嵩爲小村方相楊仲嗣爲烘鐵上糊
櫛袁輝爲玉門下彈琴博士魏怡爲祈雨婆羅門李全
交爲只官給使李廣爲飽水蝦蟆而張鷟旣号青錢字
士有董方九举不第号白臘明經時人以之属對又通
鑑李全交王旭爲御史專以酷虐爲事人号李爲鬼面
夜又王爲人頭羅刹中書舍人阳滔適當草較面合史
持鑰他出無日本檢尋乃斫窻取之時稱斫窻舍人朱
泚之乱源休姚合言敢圖籍貯倉庫自比蕭曹人目爲
火迫鄼侯北夢瑣言韋宙有積穀七十堆宣宗稱爲足
穀翁夏侯籍爲人鄙穢人目爲夏侯驢子蘇籍無行人
稱爲衣冠士偶夏侯攷少淪落人稱爲不利市秀才温
庭筠貌陋人稱爲温鍾馗方干渴王魯大夫一見卽兩
拜王答之未起间干又一拜時稱爲方三拜蒋侍郎疑
貌甚美時稱爲水月觀音五代史李振爲朱温腹心每
入京必有賤降人目爲鴟梟劉仁恭爲小校時善穴地

攻城軍中号劉窟頭後唐莊宗優名李天下又優人郭從謙混名郭門高李罕之攻摩雲山居民盡殺之人号爲李摩雲明宗淑妃王氏有美色号花見羞崔悵不識文字人号爲沒字碑廢帝時張敬達性剛人謂之張生鐵石晉時安重榮号安鐵胡高季興到處稱臣又好劫鄰道貢物人呼爲高賴子梁有驍將陳章号陳野又慕容彦超黑色胡鬚嘗冒姓閩人謂之閩崑崙馬辛孫爲相号爲三不開口謂不開口以淺論不開口以行事不開口以延士大夫也南漢劉鋹有肥妾号媚猪宋史韓通性剛嚴人謂之韓瞪眼其子病瘵人謂之橐駝兒李重進色黔人呼爲駝黑大王韓溥熟唐朝故事人稱爲近

世肉譜吳時敏于文人稱爲立地畫厨王繼勳善用鐵鞭鐵槊鐵搥人稱爲王三鐵王彦昇好擊劍人稱王劍兒李沆爲相無所建白人稱爲無口瓠張士遜爲相無所可否人稱爲和鼓王珪爲相人稱三首相公上殿云取聖旨下殿云領聖旨出詔人云已得聖旨也魯宗道性骨鯁人目爲魚頭參政劉安世強直人目爲殿上虎趙卞稱鐵面御史錢顛亦稱鐵肝御史王廷美好自大每言我当代王景之子人稱爲王当代王美祐爲團練使好言事人稱爲武諫官陳思讓酷信釋氏人目爲陳佛子祁廷訓形質魁岸而無才人呼爲橐駝姚內贊善戰夏人目爲姚大喪燕瑛在嶺南括犀珠香藥以賂權

要人目爲香燕陳象輿董儼日夕會趙昌言第京師若
曰陳三更董半夜蘇紳與梁適同在兩禁皆險詖人語
曰草頭木脚陷人倒卓劉隨復事明銳人稱冰是燈籠
孫道夫亦有此稱葉祖洽逢迎宰相曾布人目爲小訓
狐楊畏進於元豐顯於元祐遷于紹聖人目爲楊三變
李邦彥爲相人目爲浪子宰相薛昂無學術爲大司成
請罷史學曾宗斤爲俗佞王德擒夏將姚太師姚對欽
宗曰被縛時但見一夜叉耳人呼爲王夜叉王俊善告
訐号王鵬兒何羣性剛同舍生目爲白衣御史李先治
信州有声人目爲錯安頭言其貌陋而有才也在楚人
又目爲照天燭以其明也章鑑與人多許可人目爲滿

朝歡張成戰酣則兩眼皆赤時号張紅眼又号張鵲眼
李全將張惠多力人目爲賽張飛獨醒志善導知開封
府人号姜擦子言其威也祥符中有王捷者善燒金人
謂之王燒金詩治總龜劉吉南治河人呼爲劉跋河同
時內侍石金振領河隄使尤苛急人呼爲石爆裂貢父
詩治薛簡甫尹京以嚴爲治人号爲薛出油陳彭年竭
精盡思以固窻人謂之九尾狐宋中道穎利而么小蘇
子美呼爲錐宋盛度體豐大丁謂疎瘦梅詢好薰香竇
賓不事修潔時人謂盛肥丁瘦梅香竇皇祐中士多
馳騫請北有一人号望火馬一人号日遊神崔遠夙致
峻整人目之爲釘座梨慶歷中有衛士震驚宮闕捕得

殺之御史宋禧言蜀有羅江狗宜畜之以警夜時謂之
宋羅江御史席平鞠獄單上殿仁宗問其事奏曰從車
邊斤矣也時号車斤御史翰苑名談有吉水令治邑嚴
酷馬道爲隊木持扒之人目爲馬啄木宋史王安石去
位請以韓絳代而呂惠卿依之二人守其成規不變時
号絳爲傳法沙門惠卿爲護法善神又王景亮結一社
專以嘲笑爲事人号其里曰豬嘴閑以呂惠卿清瘦詔
次輒以手指畫眉之說法馬面邵廣高鼻圈鬚以上殿
泄氣由知東平謂之泄氣獅子陳和叔少通率暮年爲
質朴之狀時謂之熱熱顏回孔文仲對策有爲痛哭嘆
息之語和叔培人曰此可謂杜園賈誼也王平甫笑曰

杜園賈誼正可對熱熱顏回耳推掌錄米芾好怪常戴
俗帽衣僧衣人目爲活卦影薛昂賦蔡京君臣慶會詩
逢時可謂真千載拜賜應須更萬回時人謂之薛万回
蔡元度對客嬉笑人莫能測時稱笑面夜叉浴中有柳
將張師權好以甘言悅人時号蜜翁、楊景宗爲章磨
太后弟好以水槌擊人時謂楊骨槌靖康時京城破王
時雍搜取婦女與金人時号爲金人外公又号賣國牙
郎建炎進退志李綱奏曰方金人欲廢趙氏立張邦昌
有吳玠莫俦傳道意旨京師謂之捷疾鬼紹興乙卯以
早禱雨諫官趙霈言請禁宰鵝鴨時稱鵝鴨諫淺適聞
金有竜虎大王來南侵胡致堂曰此間有鵝鴨諫淺足

以當之有鄭廣者本海寇号滾海蛟後改降授官所謂
鄭廣有詩上衆官文武看來總一般衆官做官却做賊
鄭廣做賊却做官者也周益公日記楊存中人号爲鬻
鬻以其多鬻而善逢迎也亦見王梅溪集嘉定中御史
羅湘上言越州多虎乞飭多方捕殺張次賢奏八盤嶺
乃禁中來竜乞禁人行時有羅擒虎張尋竜之對宋孝
宗夜與胡銓飲有官人号滿頭花令出侍酒見銓所記
玉音問答楊戢奔與尤延之相戲尤呼楊曰羊楊呼尤
曰蝥蚱蚱問往來尤則曰羔兒無恙楊則曰彭越安在
王梅運勾骨立有仄味人号爲仄流骸骨金陵府官妓
有極瘦者府尹朱世英謂之生色鵝躄同禧中有郭倪

爲殿帥自以爲卧竜酒後輒咏三顧頻煩之句後出師
竟敗對客出涕時号爲帶汁渚葛道士吳含靈好睡人
呼爲吳猱軒渠錄莊綽極臞江仲本呼爲細腰官院子
夷堅志宗室公衡善滑稽而寡髮人呼爲趙葫蘆湖州
民許六以賣餅爲業人呼曰許糖餅潘姓者善理冥間
事人呼爲潘見鬼陳州人蔡乙極凶惡貌又悍劣人呼
曰取命鬼福州有丐者陳饅頭婺州一叟自稱養皮袋
鄞人連生好酒每飲必揮花于首人呼爲連花鄱陽張
廿二面醜口濶人呼爲張鱖魚宋史韓侂胄當国值生
日陳及之後至門已閉而聞朱閔遂僂而八當時有由
寶尚書屈膝執政之諂楊安国少無賴以粥鞞爲業人

呼爲楊鞍兒李全善用槍人呼爲李鐵槍梁成大爲史
彌遠主傳擊人目之爲梁成犬又丁大全陳大方胡大
昌同除諫官人目之爲三不吠犬賈似道當國漕帥朱
浚每有扎稟事必稱浚万拜時習之朱万拜癸辛雜識
杭匠張防禦言若好異人目爲張瓜子趙孟頫造黑漆
大船極工巧人号爲黑漆船至童開所讚宋江等三十
六人各有混号如尺八腿一直撞之類尤爲新異也金
史景祖善吹人呼爲活羅^{大鳥}也章宗時官中有優人号玳
瑁頭徒單恭爲總管嘗畫一佛像云當以金鑄之賦屬
縣金而寔不鑄金盡入其家時号金總管完顏訛可傳
同時有兩訛可一曰草火訛可得賊好以草火燎之一

曰板子訛可嘗誤以牙脾爲板子也故時人以此別焉
完顏定奴號三脆彘統石烈牙忽帶號盧鼓推以其好
用鼓椎擊人也酷吏傳徒單思忠好以麻椎擊人号
广椎相公李特立爲人短小鋒利人号爲半截劍馮璧
号馮劊雷淵爲御史至蔡州杖殺民之甚豪者凡五百
人時号爲雷半千明史給事中胡以寧請禁食蝦蟆時
号蝦蟆給事成化中帝人不與羣臣相見大學士彭時
商輅力請司礼約以御殿日召對及見總奏二事万安
居首即頓首呼万歲欲出時等不得已皆叩頭退中官
以此戲朝士一時傳笑以安爲萬歲閣老又是時劉吉
万安劉珣爲相無所匡正時有紙糊三閣老泥塑六尚

聿之謠吉在內閣十八年人目之爲劉棉花以其耐彈也宏治中元守直爲通政使王敬爲左通政姜清李浩爲參議時人謂元哭王唱姜辣李苦蓋元與王声音俱不稱而姜急躁李氣促也又前明呼粵人爲川老鼠以其善鑽也呼楚人爲乾魚以其善治鱣魚也呼江西人爲臘雞以元時江西人仕於朝者多以臘雞饋客也嚴嵩生日江西紳士畢集嵩長身聳立諸公俯趨高靳那在旁笑嵩問故靳那曰偶思及韓昌黎聞雞詩大雞昂然來小雞悚而待是以笑耳又嚴嵩當國以万案爲文選郎方祥爲職方郎人稱二人爲文武管家莆田陳愧奇爲翰林時客至呼茶夫人曰未煮公曰也罷又呼乾

茶夫人曰未買公曰也罷時因号陳也罷万歷中蘇人有邱姓者勤於弟喪而形體短小人呼之爲邱的篤天啓中周應秋附魏奄每魏良卿至其第進豚蹄啣飲時号煨蹄總憲又其時有東林點將錄以水滸傳中各混号加之士流李三才爲托塔李天王葉尚高爲及時雨之類尤不可枚舉宏光時金陵名妓李香居号香扇墜至如歷代流賊如後漢聿黃巾賊其大声者稱雷公騎白馬者稱張白騎輕便者言飛燕多鬚者号於氏根大眼者曰大目如此稱号各有所因以及歷山飛蝎子塊之類更難悉數矣沈括筆談吳人謂梅子爲曹公以嘗望梅止渴也謂鵝爲右軍以換鵝聿也有士人遺醋梅

與燂鵝作畫云醋浸曹公一甕湯燂右軍兩隻是物類
亦有此雅号矣

諱龜

莊綽雞肋編浙人以鴨爲諱謂鴨僅一雄者不能生卵
須二三雄始有子故俗以此爲諱也今俗以縱妻淫行
者爲龜不知起于何時左傳宋有公子圍龜楚有關韋
龜漢有京兆尹陳龜幽州刺史朱龜曹魏有典農劉龜
北魏孝明帝以神龜紀年孝昌中有大臣叱列伏龜正
始中有羽林監王元龜唐時宗室有楚王璽龜嗣曹王
龜年大臣有崔從龜王龜劉崇龜李權龜庶僚有樂朋
龜薛元龜按律有李龜年進士有張仁龜處士有陸龜

蒙道士有解元龜白樂天名其姪曰龜兒字文籍字夏
龜張志和本名龜齡王甫字興龜賀知章稱殷踐猷爲
五總龜謂龜千年五聚向無不知也五代前蜀有京兆
李龜禎宋則呂蒙正之父名龜圖其弟名龜祥卽夷簡
之祖也何承矩之子名龜齡范雍之祖名從龜王大室
字元龜丁涉傳有員外郎董龜正畢士安傳有郎中王
龜從陳堯封之子漸自号金龜子陳季常作龜軒東坡
贈詩所謂人言君畏事欲作龜頭縮也汪丙葛延之訪
東坡于儋耳以親製龜冠厭坡、答以詩楊時号龜山
紹興中有侍御史黃龜年慶元中有直清彭龜年洪龜
父王十朋字龜齡陸放翁築堂曰龜堂又以龜殼作冠

高二寸許有詩云魚屋新裁二寸冠孟珙傳有隨守張
魯壽金宣宗詔趙秉文楊雲翼作魚鑑万年錄元至正
中謝應芳自号魚巢老人所著有魚巢集又戴良自署
其居曰魚毛廬是唐宋以來并未以魚為諱也惟魏太
武斥宋文帝為魚鱉小豎夫何能為則亦僅喻其渺小
耳皮日休渴飲仁紹不得見因作咏魚詩北夢瑣言謂
夾蛟魚汎之硬
骨殘形知幾秋尸骸終是不凡流頑皮死後鑽須遍只
為平生不出頭亦謂其不見客耳維肋編又謂楚人諱
烏魚頭云郡城象魚形嘗被攻有術者教以繫其首而
破故諱之然所諱又是一義皆非謂縱其也王阮亭池
北隅於潛諱魚自明始惟張江陵生時母夢一大魚因

名之後仍改名云按明人蘭莊駒阴冗記謂三山士人
邦唐好訛謔嘗為一老人題真容曰精神烟々老貌堂
々烏中白髮魚鶴呈祥有人橫墳之乃精老烏魚四字
也老人遂毀之此可為明人諱魚之証然所以諱之
故終莫得其說也及閱輟耕錄記秀州多故家大姓其
子孫不肖廢敗蕩盡有金方所作詩嘲之曰興廢從來
古有之爾家忒煞欠扶持諸墳掘見黃泉骨兩觀番成
白地皮突脊多為撐目兎舍人總作縮頭魚強奴猾幹
欺凌主說與人家子弟知撐目兎謂兎望月而孕以見
其不夫而妊也縮頭魚則以喻其夫也想其時已有此
諺洛而人之詩也又堅瓠集張伯雨贈葉景修詩家藏

逸少畫鵝帖門繫鳥蒙放鴨船鳥蒙句訛其婦女不潔
故藏一鳥字云則諱鳥起於元時無疑矣

雜種畜生王八

俗罵人曰雜種曰畜生曰王八後漢書西羌傳滇零等
招集諸雜種晉書燕載記曰蠢茲雜種奕世弥昌此雜
種之名所由始也漢五行志諸畜生非其類子孫必有
非其姓者東漢時則又曰畜產後漢書劉寬傳坐客罵
蒼頭曰畜生寬私遣人視之恐其自殺曰此人也而被
罵畜產各懼其死也北史高車傳其先匈奴單于生二
女單于曰各有此女安可配人當以與天乃築高臺處
之三年有老狼守臺不去小女意其神欲嫁之其姊驚

曰此是畜生無乃辱父母妹不從遂爲狼妻子孫繁茂
成高車因此畜生之名所始也隋文帝寢疾太子廣與
陳夫人侍夫人爲廣所逼奔啟于上、怪其神色有異
向之以笑對上恚曰畜生何堪付大事獨孤誤我此又
罵人爲畜生之明文也北齊熊安生以訟事欲訴徐之
才和士開二人及相對時以之才滯雄士開諱安乃不
敢自稱姓名但云觸、生羣公晒之以其音同畜生也
五代史王建少時無賴以屠牛盜驢販私鹽爲事里人
謂之賊王八此又王八之稱之所始也金史亦有王八
與王毅共守東明兵敗被執王八前跪將降毅以足踏
之此則不可與王建并稱爲賊明人小說又謂之忘八

謂忘礼義廉恥孝弟忠信八字也

綠頭巾

明制樂人例用碧綠巾裹頭故吳人以妻之有淫行者謂其夫為綠頭巾事見七修類稿又知新錄云明制伶人服綠色衣良家帶用絹布妓女無帶伶人婦不帶冠子不穿褶子然則伶人不惟裹綠巾兼着綠衣按唐史及封氏聞見記李封為延陵令吏人有罪不加杖但令裹碧綠巾以恥之隨所犯重輕以定日數吳人遂以此服為恥明之令樂人裹綠巾或本堵此也

養瘦馬

楊州人養處女賣人作妾俗謂之養瘦馬其義不詳白香山詩云莫養馬駒莫教小妓女後事在目前一不信君看取馬肥快行走妓長能歌舞三年五年間已聞換一主宋漫堂引之以為養瘦馬之說本此

冤家

蔣津葦航記談引烟花記云冤家之說有六情深意濃有死無異心一也雨情相繫阻隔萬端二也復岐分袂黯然銷魂三也山迤水遠相想不見四也隣新棄旧怨深刻骨五也一生一死觸景悲傷六也

孩餘叢考卷三十九

累世同居

陽湖 趙翼 雲崧

世所傳義門以唐張公藝九世同居為最然不自張氏始也後漢婁樊重三世共財繆彤兄弟四人皆同財業及各娶妻諸婦遂求分異彤乃閉戶自搗諸弟及婦聞之悉謝罪蔡邕與叔父從弟同居三世不分財鄉黨高其義又陶淵明滅子圭云潁川韓元長漢末名士八十而終兄弟同居至於沒齒濟北汜幼春七世同財家人無怨色是此風蓋起於漢末今按歷代義門見於各史孝義孝友傳者南史十三人北史十二人唐書三十八

人五代二人宋史五十人元史五人明史二十六人其尤盛者張公藝之先北齊東安王永樂隋大使梁子恭皆躬造而表其門至公藝又被唐高宗褒諭此一家而旌於三朝者也江州陳氏宗族七百口每食必共坐犬百餘亦共牢一犬不至羣犬不食已見五代史而宋史又載其家名昉者已十三世同居昉之後又六世大中祥符中曾擢其名延賞者爲員外郎此一家而見於兩史者也浦江鄭綺九世同居已載宋史而鄭文嗣又載元史鄭濂又載明史此一家而見於三史者也其不在孝友孝義傳而雜見於本紀列傳者魏主楊播及弟椿津總服同爨盧潛自祖至孫百口同居唐主李綱五世同居崔元暉三世同居羣從皆寓郊墅自遠會食無別爨朱敬則與三從兄弟同居高崇文之先七世不異居崔郭四世共居李畬累世同居劉蕃禮再從皆同居遼史聖宗紀有遼州張庭美坤州劉興嗣道宗紀有慶州靳文高奚人達魯錦州民張室宋太宗紀有金鄉李光裏理宗紀有潭州李符度宗紀有高郵夏世賢皆累世同居而陸九淵傳其家累世義居李庭芝傳其家十二世同居元史趙毓家已三世同居至毓又申先訓汴梁女子李氏爲賊所執欲犯之氏罵曰吾家六世義門豈污賊乎此皆別見於孝義等傳之外者也又有正史所不載而雜見於他書者賈氏談錄博陵崔僅三世同居

貞元以來言家法者以僅爲首鐵圍山叢談河東姚氏
十三世不析居累代旌表義門湧腫小只周德威五世
孫徙居上虞至朱有名承詔者已十世同居趙抃帥越
聞於朝明隆慶中山西巡撫賀一桂題長治縣仇氏六
世同居又連江楊崇亦六世同居此又正史之外見於
紀載者也余同年大學士王惺園先代亦四世同居問
其家法大率一家中推一人有才者爲主而尊卑皆聽
令焉親疎無異鬻婚娶無異禮以是心志二而食用儉
故能保世滋大因考陸九淵傳謂推一人最長者爲家
長家事悉聽命子弟分任家事田疇庖爨賓客之事各
有主者明史邦瀛傳亦稱其家代以一人主家政可見
治家固不可無經久之法也家庭雍睦和氣致祥自必
傾大蕃滋福祉駢集如楊播一門七郡守三十二刺史
崔陞生六子一居輔相五任大僚宣宗賜其堂曰德星
堂浦江之邦余閱嘗表爲浙東第一家李文忠取浙亦
嘗遣兵護之而貸以粟趙天羽又記明太祖嘗召瀛獎
之退朝語馬后、曰陛下以一人尙得天下今邦一家
三千人爲患何難太祖悟再召見將誅之問曰汝家何
術能如是對曰無他惟不聽老婆言耳太祖大笑免之
明史又記永樂中有傳建文帝在其家者遣使索之其
廳事有十大櫃五貯經史五貯兵器以備不虞使者所
索適皆經史其半不索乃免禍人以爲至行所感而湧

曠小只又記連江楊氏子孫互相乳哺家雞亦互哺其子楹宅三十六年無哭声僅一老婦歿崇率子弟拜禱復活又十三年乃卒家無喪者四十八年豈非積善餘慶報施不爽有如是耶然楊播家七郡守三十二刺史後遇河陰之變盡爲爾朱氏所殺惟餘楊愔相北奔又爲常山王所害楊氏遂幾絕鐵圍山所記十三世同居之姚氏一旦大小死欲盡獨兄弟二人方居憂而弟婦又卒弟獨與小兒同處其亡妻每夕來哺兒兄聞弟室中有婦人声疑爲妖魅伏刀殺之尋血跡所起則弟婦塚也婦家訟於官兄弟皆死獄中姚氏亦遂絕此又天理之不可曉者

守節絕域不傳者甚多

蘇武在匈奴十九年不屈節而漢隸匈奴傅馬宏副光祿大夫王忠使西域爲匈奴所遮忠戰死宏被執亦不肯降至蘇武使匈奴乃令其隨武使其時又有楊信路充國等皆爲單于所留數歲始得返張騫使月氏亦爲匈奴所得留十餘歲始與同行之胡人堂邑父脫返魏造于什門使於北燕爲馮跋所拘不降至二十二年魏燕通好乃得返魏主嗣比之蘇武唐溫彥博爲突厥所執問以虛實不對置之陰山苦寒地及突厥返欵始還宇文元璠亦奉使爲叱羅所拘數年始還高祖比之燕武張騫鄒元璠陷突厥數年太宗許頡利可汗婚元璠

始得還太宗亦比之蘇武又契苾何力使賀蘭被執拔
刀割左耳誓不屈太宗聞之許毗伽和乃得還以蕃人
爲中國抗節尤絕奇也蔣儼使高麗被囚及高麗平始
還崔倚使土蕃被執逼爲書約涇州降倫不從囚邏婆
城六年始還陳行焉使土蕃論欽陵欲其拜不屈留之
十年卒於土蕃遼使只刺里至高麗被留六年不屈後
高麗降始得還南宋洪皓使金留十五年乃畀朱弁張
邵使金亦皆留十餘年始畀又有陳過庭司馬朴滕茂
實崔縱魏行可皆沒於金理宗時有王善使元留七年
乃畀元世祖初遣郝經爲國信使使於宋通好賈似道
方以鄂圍之解爲己功慮經至泄其情乃拘之真用至

伯顏南伐始禮而畀之被留於宋者凡十六年又月里
麻思使宋茂和宋將壽以兵欲降之不屈乃因於長沙
飛虎寨凡三十六年而死石天麟奉使漢北爲海都所
拘二十八年始得還明太祖起兵江左使汪河至擴廓
所被留六年明兵至河南擴廓走乃得還此皆抗節絕
域歷久不變者今蘇武事噴之在人口洪皓朱弁士大
夫尚有能記之則猶氣以文學傳也若馬子月里堵公
則罕有舉其氏名者矣又蘇武射雁一事乃常惠教漢
使者言天子射上林得雁足有帛書知武等在某沢中
所以使單于不敢隱匿非真有雄雉實事也經則在真
州得一雁題詩於帛以繫其足放去

其詩云霜落凡高恣所如
期回首是春初上林天子獲

弓繳窮海孤
臣有帛圭

果為汴民射得於金明池遂以進世祖然則

蘇武雁圭乃長辭而經雁書則實事尤絕奇也

哀楠顯拜
伯常雁是

詩未云一寸蠟雁憑雁
寄明年春盡竟生還

為法自斃

史記秦商鞅為令使民為什伍而相收司連坐告者與斬敵首同賞不告者與降敵同罪後鞅得罪出亡民莫敢留鞅嘆曰為法自斃一至此乎宋圭劉毅為劉裕所破夜投牛牧佛寺先是桓蔚之敗走投此寺僧昌藏之毅殺昌至是寺僧拒之曰昔亡師為劉衛軍所殺今實不敢容異人毅乃嘆曰為法自斃一至於此遂縊而死唐韋路巖為相嘗請三只以上得罪誅者剔取喉驗

其死及巖流儋州賜死亦剔取喉五代史蘇逢吉陷李松族誅後逢吉隨德帝軍敗自殺周太祖梟其首正當李松被刑之所國主璿時薛文傑擅權會吳兵來伐國士卒欲得文傑以快心方肯出戰乃檻送文傑於軍前先是文傑以古制檻車疎澗更為之如木櫃攢以鐵錠皆內向動輒觸之車成文傑首自入焉癸辛雜識春州瘴毒可畏鼠逐者必死盧多遜貶未匡時知開封府李符言朱匡胤海外水土無他惡春州在內地而至者必死望改之後月餘符坐事上怒甚遂以符知春州至州月餘死續通鑑宋章惇為相貶蘇轍雷州司戶參軍不許住官舍遂概民屋惇又以為強奪民居下州追治以

儼券甚明乃止及停敗亦滴雷州儼舍於民曰前蘇公來爲章丞相幾破我家今不可也

鞭尸

史記伍子胥以吳兵破楚求昭王不得乃掘楚平王墓出其尸鞭之三百呂氏春秋及淮南子但言鞭平王之墓三百不言鞭尸北史王僧辨爲陳霸先所殺其子頌逃入北朝在隋伐陳之役從韓擒虎先鋒渡江及陳滅頌密召父在時士卒千餘人對之涕泣其間壯士曰郎君讐恥已雪而悲不止將不爲霸先早死不得手刃之耶請奈其墓斲榱焚骨頌頓額陳謝額盡流血曰其墳甚大恐一宵斲掘不及更至明日事乃彰露乃各具鍬鍤夜斲其陵剖棺見陳武帝鬚皆不落其本皆出自骨中遂焚骨取灰投水飲之自縛敏罪晉王廣表其狀文帝特不問

剖骨

三國志關壯繆嘗爲流矢所中貫左臂後創虽愈每至阴雨嘗痛医曰矢鏃有毒入於骨当剖骨去毒公便伸臂令劈之時方與諸將飲臂血流於盤器而公言笑自若此壯繆事噴之在人口者也吳志苗贊因詩賊一足被創屈面不伸乃以刀自割其筋氣絕良久已而足伸瘡愈北史長孫子彥墜馬折臂肘上骨起寸餘乃令開肉鋸骨流血數升言戲自若人以爲踰於閔羽宋史太祖在周世宗時乘皮船入寿春濠中城上斲連弩射

之矢大如椽牙將張瓊以身蔽之矢中瓊髀鉄看骨不可出瓊飲酒一大卮令人破骨出之流血數斗神色自若劉遇忌有灸瘡痛醫謂火毒未去遇卽取刀割瘡至骨曰火毒去矣笑如常馬懷德流矢中額鉄入於骨以弩弦繫鉄癸棧而出之姚麟中矢透骨亦以強弩出之韓世忠中毒矢入骨亦用強弩括取之元史趙匡刺與宋將咎万壽戰矢鉄中左肩不得出元帥取罪囚判其肩視骨節淺深知可用卽鑿其創拔鉄出之匣刺神色自若

威怖兒啼

通鑑後趙將麻秋最勇猛人呼爲麻胡民間小兒啼怖以麻胡來輒止南史劉胡面黥黑爲越騎校尉蠻人畏之小兒啼皆以劉胡來便止桓康驍悍所至爲暴江南人畏之以其名怖小兒畫其形於寺中病瘰者摹寫於牀壁無不立愈北史楊大眼威振淮泗童兒啼者呼云楊大眼至卽止高車回倍侯利奔魏勇健善戰北方人畏之嬰兒啼者曰倍侯利來便止唐韋邕爲邊將獲虜必剗剔而還其尸虜大畏道其名以怖啼兒宋史劉錡傳錡少時與夏人戰屢勝夏人見啼輒怖之曰劉都護來遼史耶律休哥敗宋兵宋人欲止小兒啼曰于越至輒止于越其官號也金史牙吾塔好用鼓椎擊人其名可怖兒啼世呼曰盧鼓椎

千里駒

千里駒之稱見於漢魏六朝者不一而足漢書楚元王傳武帝召見劉德目爲千里駒魏志曹休傳休避亂至吳後北畝見太祖、、謂左右曰此吾家千里駒也晉書傳咸年六歲列女杜憲見之曰千里駒也以其妹之女妻之載記劉淵謂劉曜曰此吾家千里駒也苻堅謂苻朗亦曰此吾家千里駒也南史宋武帝召見張敷曰之曰真千里駒也邱仲孚少好學其從祖璽鞠稱爲千里駒王規少俊異叔父暕深器之曰此兒吾家千里駒也明僧紹見劉杳亦曰此兒矣千里之駒梁武帝以姪暎聰敏謂袁昂曰吾家千里駒也王茂少時其祖深嘗

田此吾家千里駒成門戶者必此兒也任昉少時從叔晷嘗謂阿堆吾家千里駒也北史魏太武徵李孝伯爲中散謂其從兄順曰真卿家千里駒也李伯尙少有重名魏孝文曰此李家千里駒也崔昂少孤祖孝芬嘗謂親友曰此兒終當遠至吾家千里駒也濟陰王暉業謂元文遙曰此我家千里駒杜杲學涉經史其族父纘嘗謂曰吾家千里駒也張乾威隋書作虔威性聰敏世父高潛人曰吾家千里駒也袁躍有雋才其兄翻謂人曰躍可謂我家千里駒也齊馮翊王潤幼時神武稱之曰此吾家千里駒也唐書張柬之曰李嵩爲宗室千里駒又李千里初受封時武后謂曰兒吾家千里駒乃更名千里遠

史耶律的孫伐高麗有功聖宗壯之曰真吾家千里駒也宋史宗室子漁有才蘇軾謂其父令鐐曰此公家千里駒也黃山谷見其甥洪芻詩曰不意江南沢中產此千里駒按魯連子奔有辨士田巴一日服千人有徐劫之弟子魯仲連年十二号千里駒能教言折已、謂徐劫曰先生乃飛兔也豈直千里駒而已則千里駒三字矣起於戰國謂年少而有逸才者後遂以為獎進後輩之佳稱耳

五月五日生子

世以五月五日生子為不祥自戰國時已有此忌史記田文以五月五日生父命勿舉母私舉之文既長問父

曰不舉五月子何也父曰生及戶損父文曰何不高其戶誰能至耶世說胡廣本姓黃以五月五日生父母藏之葫蘆投於河有人收養之及長有盛名父母又欲取之廣以為背其所養則忘恩而無所取乃托葫蘆所生姓胡名廣西京雜記王鳳以五月五日生父欲不舉其叔曰田文以此日生非不祥也乃舉之宋書王鎮惡以五月五日生其祖猛以為此兒必興吾家乃名之曰鎮惡後果為名將唐書崔信明以五月五日生太史占之曰五月為火、為離、為文采曰中文明之盛也果以文名又宋史趙元昊以五月五日生後嗣位日以強大此皆俗忌之見於史傳而卒不驗者也然亦有時而驗

者北史北齊南陽王綽以五月五日辰時生後主綽以
是日午時生後綽為韓長鸞所譖搤死綽亡國後入周
賜死綽死百餘日顏色如生俗云五月五日生者腦不壞癸辛雜識謂屈原以五月五日
生投汨羅江而死近世翁應竜亦五月五日生後被刑
湯曠小只謂宋徽宗五月五日生改天寧節於十月十
日終有五國城之厄遼懿德皇后五月五日生改坤寧
節於十二月後亦以十香詞被乙辛墮死豈惡月之說
果有驗也

同年月日時生

子平家以人命推算休咎固是一術然兩人同年月日
時則其吉凶當符合矣乃竟有絕殊者漢畫盧籍與高

祖同日生而一為帝一為亡虜宋人小說載一軍校與
趙幹王同年月日時生若王有一大遷除則軍校必有
一大責罰有小遷轉亦必有小譴訶洛中士人張起宗
與文潞公同年月日時見潞公軒騎過嘆曰同丙午生
相懸如此有瞽者曰我與汝算命因算之良久曰好笑
諸事不同但三十年後兩人當并案而食者九月後潞
公退居於洛遊會節園園側有訓徒者則張也一見
大喜問其年又同遂日并案而食將及九月公之子
及甫知河陽公往視之遂別自後飯洛亦忘之矣又蔡
京命乃丁亥壬寅壬辰辛亥有都人鄭某者世以黛粉
為業生子與京同八字謂且必貴遂恣其所為年十八

忽騎馬溺死可見星命之不足憑也然如軍校之與韓
王遷除責罰節次相應則又何故夷堅志莆田士人黃
裳與友戴松同年月日時生有推命者曰二命大略相
似但黃君是正寅時戴君得寅氣淺當是丑末其癸必
在後既而戴但預薦年不滿五十不第而卒黃入太學
始晚奏名然以病求岳祠詎復登科食祿與戴不同然
一紀殘廢與死爲隣所去亦無幾也此則境遇之相似
者大修類稿滑沈石田與同郡盧知縣鐘年月日時皆
同而仕隱不同又杭州吳參議鼎與徐憲副之子應祥
亦同年月日時且旣貴子亦登科而應祥皆無之王阮
亭又記沈石田干支八字與明英宗同而貴賤相懸若
此意或時刻前後之不同也善乎呂才之論云漢高入
關封侯者三百人豈無一人行衰絕運趙括四十萬人
皆破坑豈無一人行生旺運梁溪漫志云若生時無同
者則一時生一人一日止生十二人以一歲計之不過
四千三百二十人而已而天下之大生人豈止此數哉
則知同年月日時者甚多而富貴貧賤判然不一子平
推命之說似又不足憑也

遷官最速

張璠漢紀荀爽有時名董卓秉政詔拜平原相行至苑
陵追拜光祿勳視事三日策拜司空自布衣九十三日
而至三公世詔司馬懿辟州叅旣至三十六日擢爲新

城太守懿使鍾繇調之曰君釋褐三十六日擁麾蓋乞
見乘小車抑何駛乎唐書宗秦客在武后時一歲中賜
袍自青及紫人号四時仕宦白敏中自員外郎五年十
三遷爲尚書右僕射門下侍郎封太原郡公李烈起流
人一歲至宰相崔鉉爲李石荆南幕僚入朝不三載至
宰相石犹在荆南柳璨起布衣至宰相不四載宋史蔡
疑甫解褐除秘書省正字遷起居舍人未幾爲中書舍
人自布衣至侍從纔九月向敏中自郎中拜右諫議大
夫同知樞密院事纔百餘日至若陳自強以韓侂胄塾
師除太學錄遷博士轉國子監博士遷秘書郎入館中
半載擢右正言諫議大夫御史中丞入臺未踰月遂登

樞密自布衣至兩地纔四年明嘉靖中張璉釋褐六年
卽拜禮部尚書大學士入閣夏言由給諫未浹歲至禮
部尚書張居正以吏部侍郎入閣進禮部尚書去學士
五只才歲餘万歷中沈鯉由六只不二年至禮部尚書
入閣王家屏去史官纔二年卽入閣至張綏附劉瑾一
歲中自吏部郎擢左僉都御史超拜吏部右侍郎進尚
書天啓中田吉由淮楊叅議附魏忠賢取中旨擢太常
卿未匝歲至兵部尚書加太子太保此皆附權好而速
化者

仕宦最久

又有仕宦最久者有明一代尚書胡濙歷事六朝垂六

十年致仕敏王恕亦歷官五十餘年在吏部最久宏治
間衆正盈朝皆恕力也英國公張輔之子懋嗣公爵六
十六年握兵柄四十餘年劉珣之子欽八歲時憲宗賜
中書舍人歷官五十餘年至太常卿嘉靖中充供事內
閣誥敕房又漕運總督郭鉉歷官五十七年

射石沒羽有四人

呂氏春秋養由基射虎中石矢乃飲羽韓詩外傳楚熊
渠子夜行見石以爲伏虎而射之沒金飲羽下視乃知
其爲石也史記李廣爲北平太守嘗出獵見草中石以
爲虎也射之中石沒矢視之石也他日再射終不入矣
北史李遠出獵有石在叢薄中疑爲伏虎射之鏃入寸
餘視之乃石

虎渡河二人

後漢書宋均爲九江太守多暴虎沒檻捕之犹多傷害
均至任虎渡江去劉昆爲宏農守先是崤崑驛道多虎
行旅不通昆爲政三年虎皆負子渡河去劉昆事亦見
王充論衡

廢蓼莪兩人

晉書王裒父修爲司馬文王所誅裒痛父不以命終絕
世不仕每讀詩至哀、父母生我劬勞未嘗不反覆流
涕門人爲廢蓼莪篇南史顧歡早孤讀詩至哀、父母
生我劬勞輒執書慟哭受學者爲廢蓼莪篇

謫仙有四人

李白對酒憶賀監詩序云太子賓客賀監于長安紫極官一見呼余爲謫仙人孟榮本事詩亦載此事是以世皆以李白爲謫仙其實謫仙人之稱不自白始也南史杜京產傳會稽山有人姓蔡不知名隱山中養鼠數千頭呼來卽來遣去卽去言若狂易時謂之謫仙又李白詩世人不識東方朔大隱金闕號謫仙則白且以之稱曼倩矣白之後東坡亦稱謫仙王闢之澠水燕談錄子瞻文章淺論獨出當世凡格高迥直謫仙人也史李溫亦曰山谷常呼李白及東坡爲雨謫仙按山谷詩喚取謫仙蘇二來李壁傳壁少穎悟屬辭精博周必大見其

文曰此謫仙才也

倒用印有三事

朱泚之亂德宗西奔泚遣將韓旻以銳師追之段秀實乃倒用司農印追回旻事見唐書及柳子厚集按五代史後唐魏王珣及平蜀擅殺郭崇韜慮軍變李松教以用黃紙僞作詔書倒用都統印告諭諸軍人心乃定又宋史郭威將反魏仁浦教威倒用尚守印更爲詔令威誅諸將校將校皆懼遂從威反皆倒用印故事也

御溝流葉凡四見

御溝流葉事見於傳記者凡四其一唐人本事詩云顧况在洛偶與友遊苑中流水上得格葉有詩云一入深

宮裏年、不見春聊題一片葉寄與有情人況於上游
亦題云愁見鶯啼柳絮飛上陽宮女所腸時君王不禁
東流水葉上題詩寄與淮後十餘日有客又得水上一
葉詩以示況曰一葉題詩出禁城淮人酬和独含情自
嗟不及波中葉蕩漾乘春取次行又明皇時楊虢宦盛
宮娥皆怨嘗有畫落葉隨御溝水流云旧竈悲秋扇
新恩寄早春聊題一片葉將寄接流人顧况聞而和之
既達上聽遣出内人不少此皆唐人小說所記蓋即顧
况一事也其二雲溪友篋廬渥舍人偶復御溝見紅葉
上有詩云流水何太急深宮盡日間殷勤謝紅葉好去
到人間其三北夢瑣言進士李茵遊苑中見御溝流葉

有詩

與廬渥所
得詩同

後僖宗幸蜀茵奔匿途遇宮娥雲芳子因

與同行具述宮中事曾有詩畫葉上郎此女也其四玉
溪編事侯繼圖於大慈寺忽風吹木葉有詩云此字不
畫名此字不畫紙畫向秋葉上願逐秋風起天下有情
人盡解相思死云、廣元英終叢謂前三則蓋本一事
而傳記者各異耳劉斧青瑣集有御溝流紅葉記則又
取前數則而易其名爲于祐云

捕鱷魚二人

韓昌黎傳潮州有鱷魚食民畜產且盡愈自往視之令
其屬秦濟以一羊一豕投谿水爲文祭之其父暴爪起
谿中數日水盡涸西徙六十里自是潮無鱷患此人所

共知也宋史陳亮佐通判潮州有張氏子與母濯於江
鱷尾而食之母弗能救亮佐命二小吏操網往捕鱷竟
昨弭受捕竟佐作文示諸市而烹之則竟殺鱷魚矣

東西南北道主人

俗稱居停主人爲東道本於左傳燭之武之勺舍鄭以
爲東道主也後漢望彭寔傳朱浮對光武曰大王遺寔
以所服劍佩倚以爲北道主人又常山太守鄧晨清從
擊邯鄲光武曰不如以一郡爲我北道主人又光武指
耿弇曰是我北道主人也洪容存隨筆及都穆聽雨紀
然俱引此以爲北道亦有主人之稱然不特此也魏主
裴延儻傳咸陽王禧牧司州辟裴仲規爲主簿表行建

興郡事孝文自代還洛次郡境仲規備供帳朝於路側
駕還渭禧曰昨得汝主簿爲南道主人六軍豐贍又唐
鄭餘慶爲嶺南節度與羅漢善鄭還朝盧懷、至渴鄭
、指洛坐客曰此吾南道主人也是又有南道主人矣
大唐創業起居注帝遣畫諭馮翊賊帥孫華、率騎數
千至自郃陽帝厚加撫遇仍命華先濟爲西道主人華
大悅而去是又有西道主人矣通鑑顏真卿起兵拒安
祿山清河人李萼乞師於真卿且曰今當先擊魏郡執
祿山所署太守袁知泰納旧太守司馬垂使爲西南主
人是又有西南道主人矣至南史王僧辨討侯景晋州
刺史魯廣達出境侯接僧辨婿沈炯曰魯晋州亦是王

師東道主人也此則本左傳注

三武信君

張儀在秦惠王封以五邑号武信君陳涉使武臣為將軍與陳餘張耳略趙地武臣自号為武信君項梁立楚懷王孫心梁自号武信君俱見史記

四武安君

趙封蘇秦為武安君見國策秦封白起為武安君趙封李牧為武安君漢封田蚡為武安君俱見史記

六万石君

史記石奮與長子建次子甲次子乙次子慶官皆二千石景帝乃各奮為万石君漢畫嚴延年兄弟五人皆至

大官東海号其母曰万石嚴姬

師高增一門之中五石也

馮勤有子八

人皆為二千石趙魏間榮之亦号万石君此西漢之万石君也後漢畫秦彭傳秦氏世位相承有名袁者為潁川太守與羣從同時為二千石者五人故三輔号曰万石秦氏此東漢之万石君也唐張文瓘高宗時為侍中四子潛魏州沛同州皆刺史治衛尉卿涉殿中監父子皆至三人謂之万石張家宋史廖剛傳剛曾為工部尚書子四人逢過遂遠皆東麾節人号為万石廖氏此唐宋之万石君也元史王磐世業農歲得麥万石人号万石王家則非閔仕宦矣

六李杜二袁劉二鮑謝四蘇李三李郭兩元白

西溪叢語云後漢范滂母湄滂曰汝得與李杜齊名死亦何恨唐人湄李白杜甫爲李杜杜子美詩云李杜齊名真忝竊矣隱用此事云然後漢所稱李杜并不止此二人也滂母所云李杜乃李膺杜密後漢書黨錮傳所湄膺密俱坐黨禍而名行相次故時人稱李杜是也而膺密之先有李固杜喬皆爲梁冀所殺故掾楊匡上書乞李杜二公骸骨改葬郭亮亦乞收固尸夏門亭長呵之曰李杜二公不能安上約忠卿曹何等腐生乃犯詔書乎此又一李杜矣梁冀誅後宦官用事曰馬令李雲上書諫淨桓帝怒下雲北寺獄五官掾杜衆傷雲以忠諫獲罪上書願與雲同日死帝益怒下廷尉皆死襄楷

上書訟之湄李雲上書明主所當不諱杜衆之死諫以感悟聖朝太尉黃瓊亦上書言李固杜喬旣以忠言見滅李雲杜衆復以直道受誅此又一李杜矣魏書世宗詔王肅曰杜預葬於首陽司空李冲葬於覆舟忠義結於二世英惠符於李杜宜葬於預冲兩墳之間又傳修期亦遠慕杜預近好李冲賈地葬二公間是預冲亦稱李杜則合之唐李白杜甫共有五李杜又宋史李韶與杜範皆廉直中外稱爲李杜則共有六李杜矣又齊高祖九錫文前云袁劉構逆寔繁有徒此袁劉湄美興太守劉延熙晉陵太守袁標也後云袁劉攜貳成此亂階此袁劉湄袁繁劉彥第也是宋齊間有兩袁劉皆忠於

宋而被害於奔者西溪叢考又渭南史稱鮑照謝元暉
爲鮑謝唐畫鮑防與謝良弼友善人亦習之鮑謝是古
來共有二鮑謝漢時蘇武李陵稱蘇李唐時蘇味道李
嶠亦稱蘇李明皇時蘇頌李又對掌文翰明皇亦稱爲
蘇李又東坡答李公擇詩云從來蘇李得名雙坡又欲
與公擇稱蘇李也是漢唐宋又共有四蘇李唐李光弼
郭子儀稱李郭宋史閑禧用兵李汝翼郭倬取宿州畢
再遇至虹遇二人裹瘡還再遇增陳孝慶曰李郭軍潰
賊必追蹙是亦一李郭也然不可同年語矣吳梅村贈
劉雪舫詩依稀李與郭流落今誰存則指前明神宗李
太后之父倬及光宗皇后之父郭維城皆國戚也是又

一李郭矣唐元微之白乐天并以詩名時稱元白金末
元遺山爲一代文人之冠其時有白君舉字寓奔隴州
人以進士官岐山令詩名與遺山相頡頏元白本世契
兩家子弟每舉長慶故事相往來時人亦謂之元白

三二陸兩三陸

晉畫陸機陸雲兄弟入洛人稱二陸魏畫陸侯傳陸暉
與弟恭之并有時譽孫惠蔚曰不意二陸近在座隅此
又一二陸也宋史陸九齡與弟九淵相爲師友亦号二
陸是古來共三二陸矣又陸機傳機雲尚有弟耽同時
遇害孫惠曰不意三陸一旦湮滅南奔畫陸慧曉之子
僚任僅并有美名人稱三陸是古來又有兩三陸

三二朱

宋郊朱祁稱二宋人皆知之按宋史藺人宋琪少通書史與同縣宋雄奇名人稱二宋登遼進士晉天福中始啟京師是又在郊祁之前又元史朱本益正獻弟宋鑿益文清人稱二宋是共有三二宋

四三王

漢王王章傳章為京兆尹吏民若曰前有趙張後有三王謂王尊王駿及章也又王鳳傳贊外戚興者有許史王王之家謂王成侯及王商王鳳也唐滕王閣有三王則王勃作序王緒作賦王仲舒作修閣記也又王方翼子珣璿并以文學稱時号三王

兩二蘇

東坡穎濱兄弟并以文名世稱二蘇按魏書蘇亮與蘇綽奇名人稱二蘇則又在坡穎之前矣

三三楊

明宣德中有三楊謂楊士奇楊溥楊榮也晉書楊駿與楊珧楊濟當國勢傾天下時人目為三楊新唐書楊憑傳憑與弟凝凌皆有名擢進士第時号三楊

兩赤松子

一神農時為雨師服水王童入火不燒蓋即張良所欲從遊者見劉向列仙傳一即晉之皇初平牧羊時所遣道士叱石成羊者見葛洪神仙傳又許觀東齊紀事亦

載之

兩洪崖

一三皇時伶倫得仙者号洪崖仙人衛叔卿與教人博於莘山石上其子向兵坐者誰叔卿曰洪崖先生許由巢父耳郭璞詩左挹浮邱袂右拍洪崖肩即此也其一唐張翥亦号洪崖先生按本傳及豫章職方記云翥晉州人洪州大疫翥至施藥病者立愈元宗聞之驛召之果翥也常服烏方帽紅蕉衣黑屣帶跨白驢從者負六角垂雲笠往來市間亦見許觀東存紀事

兩四皓

漢有南山四皓存妻徐伯珍兄弟白首相對時人亦呼四皓

兩涪翁

黃山谷晚年滴宜州自号涪翁按後漢圭方術傳郭玉醫術師於程高之術得於一老父常漁釣於涪水自号涪翁則山谷蓋仿而襲之者也

三大小山

漢淮南王安招徠文學之士著為篇章以類相從或稱大山或稱小山梁何嗣何點并甘棣遁世号點為大山嗣為小山明周甫王之後睦棹安泚俱有學行人稱睦棹為大山安泚為小山

三十八學士

唐太宗召名儒十八人爲學士番宿更休至形之圖畫
顧寧人日知錄畫內又有開元十八學士圖皆開元中
人五代史馬殷開天冊府置官屬亦以廖光圖徐仲雅
李宏臯拓跋常等十八人爲學士

二四貴

秦有太后穰侯涇陽高陵君稱四貴宋蒼梧王時蕭道
成袁粲褚淵劉秉更日決事亦號四貴

兩王八

五代史王建僭号時人呼爲賊王八遼史聖宗時有安
州團練使王八副馬保祐留守開京

二花菜夫人

花菜夫人本号王建妾号小徐妃也大徐妃生王衍小
徐妃即其女弟後二徐遊燕亡國唐莊宗平号後二徐
隨行人朝遭害於途及孟氏再有号孟昶時又有一花
菜夫人即作宮詞者也後隨昶歿宋昶死入內太租亦
頗惑之爲太宗所射死事見鐵圍山叢談

四參寥

莊子太宗師篇元冥問於參寥唐有道士名參寥見孟
浩然集又唐末高彦休自号參寥子見本傳朱杭州僧
名參寥見東坡集

兩辨才

唐有僧辨才藏蘭亭帖爲蕭翼騶去見畫苑宋有僧辨

才隱於西湖見東坡及淮海集

兩蘇小小

南存錢塘妓蘇小小見郭茂倩樂府解題南宋有蘇小小亦錢塘人其姊為大学生趙不敏所眷不敏命其弟娶其妹名小小者見武林旧事

四卷

蘇小小傳 蘇小小者 杭州錢塘人也 其姊為大学生趙不敏所眷 不敏命其弟娶其妹名小小者 見武林旧事 蘇小小傳 蘇小小者 杭州錢塘人也 其姊為大学生趙不敏所眷 不敏命其弟娶其妹名小小者 見武林旧事

